



太平御覽卷第七百八十一

東夷二

夫餘

百濟

新羅

夫餘

百濟

新羅

夫餘

百濟

夫餘

百濟

夫餘

百濟

夫餘

百濟

北史曰百濟之國者其先蓋馬韓之屬也出自夫餘
王東明之後有仇台篤於仁信始立國于帶方故地漢
遼東太守公孫度以女妻之遂為東夷強國初以百家
濟因號百濟其國東極新羅北接高句麗西南俱限大海
東西四五百十里南北九百里其郡曰居拔城亦曰固麻
城其外更有五方中方曰古沙城東方曰得安城南方
曰夕知下城西方曰熊津城

又曰百濟國王姓夫餘曰號於羅瑕百姓呼為難士口之
夏言並王也王妻號於陸口夏言妃也言宜有十六品左
品五人一品達率二十人二品恩率三品德率四品杆率
五品奈率六品已上冠飾銀華將德七品紫帶施德八品
皂帶固德九品赤帶季德十品青帶對德十一品文督十
二品皆白帶武督十三品左軍十四品振武十五品卷
虞十六品皆白帶自恩率以下官無常員各有部分其人
飲食衣服與高麗畧同若朝拜祭祀其冠兩箱加翅戎事
則不拜謁之拜禮兩手據地為禮夫人不加粉黛女辨
髮垂後已出婦則分為兩道盤於頭上衣似袍而袖微大
兵有弓箭刀稍俗重騎射兼愛墳史有鼓角篳篥箏箏箎

笛之樂投壺擲蒲弄珠握壘等戲尤高奕棋行宋元嘉曆
以建寅月為歲首賦稅以布絹絲麻及米等糧歲豐儉差
等輸之其刑及叛退軍及殺人者斬盜者流其贓兩倍徵
之婦犯姦没入夫家為奴婢婚姻之禮畧同華俗父母及
夫死者三年居服餘親則葬訖除之土田下隰氣候溫煖
人皆山居有巨粟具五石穀雜菓菜蔬及酒醴肴饌之物多
同內地唯無駝驢羊豢鷄

又曰百濟國中六姓有八族沙氏燕人劬音氏真氏解
氏骨氏木氏苜館氏其俗每以四仲月祭天及五帝之神
立其始祖仇台之廟於國城歲四祠之

又曰隋開王初百濟王餘建昌遣使貢方物拜上開封帶

方郡公百濟王平陳之歲戰無深至海東魴牟羅國其舡
得還經于百濟昌資送甚厚并遣使奉表賀陳平文帝善
之八年復使其裴史王辯舡來獻方物屬興遼東之役奉表
請為軍導高麗頗知其事兵侵其境大業七年帝親征高
麗其王餘璋使國智謀求謀軍期帝遣使尚書起部郎席
律詣彼與相知明年六軍度遼東餘璋亦嚴兵於境聲言
助軍塞持兩端尋與新羅有鄭母相戰爭十年復遣使朝
貢後天下亂使命遂絕

南史曰晉義熙甲午年以百濟王餘映為使持節都督百濟
諸軍事鎮東將軍百濟王宋元嘉二年詔廉謁者閻丘思
子廉副謁者丁敬子徃宣旨慰勞其後每歲遣使奉表獻

方物三十七年上表求易林雜占腰文弩帝並與之梁天
鹽中進號征東將軍尋為高麗所破衰弱累年遷居
南韓地普通二年王餘隆上表稱累破高麗今令復好
與百濟通好更為強國五年隆死詔以其子明為百濟王
所都城曰固麻謂邑曰檐魯如中國之言郡縣其國有
二十二檐魯皆以子弟宗族分據之其人形長衣服潔淨
其國近倭頗有文身者言語服章略與高麗同呼帽曰冠
襦曰復衫袴曰禪其叅諸夏亦韓之遺俗云中大通七
年累遣使獻方物并請涅桑等經義毛詩博士并工匠畫
師等并給之太清二年遣使貢獻方物及至見城闕荒
毀並號慟涕泣侯景怒囚執之景平乃得還國

唐書曰百濟國王所居有東西兩城所置內官曰臣佐平
掌宣納事內頭佐頭掌庫藏事內法佐平掌禮儀事衛
士佐平掌宿衛兵事朝廷佐平掌刑獄事兵官佐平掌在
外兵馬事其用法叛逆者死藉沒其家殺人者以奴婢三
人贖罪官人受財及盜者三倍追贓乃終身禁錮凡諸賊
稅及風土所產多與高麗同其王服大袖紫袍青錦袴烏
羅冠金花爲飾素皮帶烏革履官人尺緋爲人銀花飾冠
庶人不得衣緋紫歲時臘服同於中國其書籍有五經子
史又表疏並依自華之法其國西南海中有三島其上出
黃漆樹似小椶而樹大六月取其汁漆器物色如黃色其
光自奪目

又曰武德四年百濟王扶餘璋遣使來獻菓下馬七年
又遣大臣奉表朝貢高祖嘉其誠款遣使就冊爲帶方
郡王百濟王自此歲遣朝貢高祖勞撫甚厚因訟高麗閉
其道路不許來通中國詔遣朱子奢往和之又與新羅
世爲讎敵數相侵伐貞觀元年太宗賜其玉璽書令節停
兵革璋因遣使奉表陳謝雖外稱順命內實相仇如故十
一年遣使來朝獻鉄甲雕斧太宗優勞之賜綵帛錦袍等
又曰貞觀十六年百濟王義慈興兵伐新羅四十餘城又
與高麗和親通好謀欲取党項城以絕新羅入朝之路新
羅遣使告急請兵太宗遣司農丞相里玄奘齎書救告諭
兩蕃示以福禍及太宗親征高麗百濟懷二乘間襲破新

羅七城二十二年又破其十餘城數年之中朝貢遂絕
高宗嗣位始遣使朝貢六年新羅王金春秋上表稱百濟
與高麗靺鞨侵其北界已沒三十餘城顯慶五年命左衛
大將軍蘇定方統兵討之大破其國虜義慈及太子隆小
王孝演偽將五十八人等送於京師上責而宥之其國
舊分爲五統部郡三十七城二百戶七十六萬至是乃以
其地分置熊津馬韓東明等五都督府各統州縣立其酋
渠爲部督刺史及縣令命郎衛郎將王文度爲熊津都督
總兵以鎮之

又曰百濟王義慈事親孝德行聞友于兄弟時人號海東
曾閔及至京數日疾卒贈金紫光祿大夫衛尉卿特許其

舊臣赴哭送於孫皓陳叔寶墓側葬之

夫餘

後漢書曰夫餘國在玄菟北千里南與高句麗東與挹婁

西與鮮卑接北有弱水地方二千里本濊地也初北弗橐

離國王出行其侍兒於後妊身王遂欲殺之侍兒曰前見

天上有雞如大鷄子來降我因以有身王囚之後遂生男

王令置於豕牢豕以口氣噓之不死復徙於馬欄馬亦

如之以爲神乃聽母收養名曰東明東明長而善射王忌

其猛欲殺東明奔走南至掩淲水以弓擊水魚鱉皆

浮水上東明乘之得度因至夫餘而王之焉於東夷之地

最爲平敞土宜五穀出名馬赤玉貂豹大珠如酸棗以貢

柵為城有宮室倉庫牢獄其人麤大勇強而謹厚不為官
鈔以弓矛為兵以六畜名官有馬加牛加狗加其邑落皆
主屬諸而已加飲食用俎豆會同拜爵揖讓升降洗爵以
臘月祭天大會連日飲食歌舞連日迎諛是時斷刑獄解
囚徒有軍事亦祭天殺牛以號占其吉凶行人無晝夜好
歌吟音聲不絕其俗用刑嚴急被誅者皆沒其家人為奴
婢盜一責十二男女淫皆殺之尤惡妒婦既殺復尸於山
上凡死妻嫂死則有槨無棺殺人殉葬多者以百數其王
坐用玉匣漢帝預以玉匣付玄菟郡王死則迎取以葬焉
建武二十五年夫餘王遣使奉貢光武厚答之於是使命
歲通至安帝末初五年夫餘王始將步騎七八千人寇鈔

樂浪殺傷吏人後復歸附永寧二年乃遣嗣子尉仇台詣
闕貢獻天子賜尉仇台印綬金綵順帝永和元年其王來
朝京師帝作黃門鼓吹角抵戲送遣之桓帝時亦朝貢獻
帝時求屬遼東云

魏志曰夫餘本屬玄菟其俗有敵諸加自戰下戶俱檐
根飲食之其死夏月皆用冰有槨無棺停喪五月以久為
榮其居喪男女皆純白婦人著布衣而去環珮大體與中
國相類漢末公孫度雄張海東威服東夷夫餘王尉仇
台更屬遼東時句麗鮮卑強度以夫餘在三虜之間妻以
宗女正始中幽州刺史毋丘儉討句麗遣玄菟太守王願
詣夫餘王位居太如郊迎供軍糧舊夫餘俗水旱不調五

穀不熟車歸咎於王或言當易或言當殺其即文言歲王之即國有故城名藏城蓋本藏貊之地而夫餘王其中自謂亡人抑有以也

晉書曰夫餘國至太康六年為慕容廆所襲破其依慮自殺子弟走保汝沮武帝以何龕為護東夷校尉明年夫餘後王依羅遣使詣龕求率見人還復舊國遣督郵賈浹以送之尔後每為廆掠其種人賣於中國帝又以官物贖還禁市夫餘之口自後無聞

新羅

秦書曰符堅建元十八年新羅國王縷寒遣使衛頭獻美女國在百濟東其人多美髮長尺丈餘

又曰符堅時新羅國王縷寒遣使衛頭獻美女國之事與古不同何也答曰亦有中國時代變革名易

南史曰新羅魏時曰新羅宋時曰新羅或曰斯羅其國小不與自通使聘梁普通二年王姓慕名秦隋使使隨百濟

獻方物其俗呼城曰外年羅其邑在內曰啄平在外曰邑勒亦中國之言郡縣也其地肥美植五穀多麻桑織布服牛乘馬男女有別其官名有子奉貴旱支一旱支齊旱支謁旱支一吉支奇具旱支其冠宜

曰遺子禮襦曰尉解袴曰何半靴曰洗其拜及行與高麗相類无文字刻木為信語言待百濟而後通焉

北史新羅者其先本辰韓種也辰韓始有六國後稍分為十二新羅則其一也或稱晉將毋丘儉封高麗破之奔汝沮其後復歸故國有晉者遂為新羅亦曰斯盧其人雜有華夏高麗百濟之屬兼有汝沮不耐韓滅之地其王本百濟人自海逃入新羅遂王其國初附庸百濟百濟征高麗不堪戎役後相率歸之遂至強盛因襲百濟附庸於迦羅國焉

又曰新羅王真平以隋開皇十四年遣使貢物文帝拜真平上開府樂浪郡公新羅王其官有十七等一曰伊罰干貴如相國次伊尺干次迎干破弥干次大阿尺干次阿尺干次乙吉干次涉咄干次及伏干次柰摩干次柰摩次大

舍次小舍次吉士次大吾次小吾次外有郡縣其文字甲兵同於中國撰壯健者悉入軍烽戍羅俱有屯管部伍風俗政刑政衣服畧與高麗百濟同每月旦相賀王設宴會班賚郡官其日拜日月神主八月十五日設樂令官人射嘗以馬布其有大事則聚郡官詳議定之服色尚書素婦人辮髮繞豆以雜絲及珠為飾婚嫁禮唯酒食而已輕重隨貧富死有棺歛葬送起墳陵王及父母妻子喪居服一年田甚良沃水陸兼種其五穀菓菜鳥獸物產畧與華同大業以來歲遣朝貢

唐書曰新羅王所居曰金城周七八里衛兵三千人設獅子隊文武官凡有十七等武德四年其王金真平遣使朝

貢高祖遣使賜以璽書及畫屏風錦綵自此朝貢不絕其
食器用柳箱亦以銅及瓦國多金朴兩姓異姓不為婚
又曰貞觀五年新羅遣使獻女樂二人皆鬢髮美色太宗
謂侍臣曰朕聞聲色之娛不如好德且山川險遠懷生可
知近日林邑獻白鸚鵡尚解思鄉訴請還國鳥猶知此况
人情乎但愍其遠來思戀親戚宜付使者聽其還家

又曰新羅王金真平安卒无子立其女善德為王真親九
年遣使册命善德為樂浪郡王新羅王十七年遣使上言
高麗百濟累相攻襲亡失數十城兩國連兵意在滅臣在
稷謹遣部臣歸命大國乞偏師救助後太宗將親似高麗
詔新羅集集士馬應接大軍新羅遣大臣領兵五萬入高

麗南界攻水口城降之

又曰新羅王善德卒立其妹真德為王真觀二十二年真
德遣其弟國相伊贊于金春秋及其子文王來朝春秋請
諸國學觀釋奠及講論太宗因賜以所制溫湯及晉祠碑
并新撰晉書將歸國

又曰末微元年新羅王真德大破百濟之衆遣其弟子法
敏以聞真德乃織錦作五言太平頌以獻其詞曰大唐開
洪業魏魏皇猷昌止戈戎衣定修文繼百王統天崇雨施
利物饒含章深侔諧日月撫運邁陶唐韜旗何赫赫征鼓
何鏗鏘外夷遠命者剪覆被天殃疑幽顯遐邇淳風竟呈
祥四時和玉燭七耀巡萬方維岳降宰輔帝任忠與良五

三成一德昭我家大唐帝嘉之拜法敏為大府卿

又曰末徼六年百濟與高麗鞞興兵侵新羅北界其王春秋道使上表求救顯慶五年命左武衛將軍蘇定方為熊津道大總管統水陸十萬仍令春秋為嶠夷道行軍總管與定方討平百濟俘其王扶餘義慈來獻自是新羅漸有高麗百濟之地其界益大西至于海

又曰龍元二年詔以新羅國為雞林都督府授其王金法敏為雞林都督法敏卒其子政明嗣位再拱二年遣使來朝因請唐禮一部并雜文章則天令寫吉凶要禮并於文館詞林採其詞涉規誡者勒成五十卷以賜之

又曰開元二十五年新羅王興光卒玄宗遣左贊善大夫

邢璣往弔祭并冊其子承慶為新羅王璣將祭上製詩序太子以下及百僚咸賦詩以送之謂璣曰新羅號君子之國頗知書記有類中華以鄉學法善於講論故選充此使到彼宜闡揚經典使知大國儒教之盛又聞其人多善奕棋亦令善棋人率府兵曹楊李鷹為之副璣等至彼大為蕃人所敬其國棋者皆季鷹之下於是厚賂璣等金寶及藥物

又曰大歷六年新羅王金乾運遣使金標石來賀正八年又遣使獻金銀牛黃魚牙紬胡霞紬等

又曰元和三年新羅王金重興遣使金力奇來朝力奇上言真元十六年奉詔冊臣故主金俊邕為新羅王毋氏為

太妃妻朴氏為王妃冊使常丹至中路而知俊豈薨其冊却回在中書省今臣還國伏請授臣以歸勅金俊豈等冊宜令鴻臚寺於中書省受領至寺宣授與金力音令奉歸國仍賜其叔彥昇門戟令本國准例給與

前空八行

太平御覽卷第七百八十二

據黃氏新鈔校計十二頁

太平御覽卷第七百八十二

四夷部三

東夷三

倭

日本

紇與人

蝦夷國

倭

後漢書曰倭在韓東南大海中依山川為居凡百國漢

武帝滅朝鮮使^馬翺通於漢者二十許國倭王居邪馬臺國

^倭離音飲^離雅^反樂浪郡徼去漢國二千里其地大較在會

稽東治與朱雀^雀儋耳相近故其國多同上宜木稻麻紇^紇查

桑知織績為練布出白清玉其山有丹土氣溫煖冬夏生

菜茹無牛馬虎豹羊鵲^鵲其兵有矛稍木弓竹矢或以

骨為鏃男子皆黥面文身有大小別尊卑之差以其文身
其男衣皆橫幅結束相連女人被髮屈紒衣如單被貫項
而着之並以丹朱粉身說音黠如中國之用粉也有
城柵屋宇文毋兄弟異處唯會同男女無別飲食以手而
用蓬豆俗皆徒跣以躡踞為恭敬人性嗜酒多壽考至百
餘歲者甚衆國多女子大人皆有四五妻其餘或兩或參
女人不淫不妬又俗不盜竊少爭訟犯法者沒其妻子重
者滅其門族其死者停喪十餘日家人哭泣不進飲食而
等類就歌舞為樂灼骨以為卜用决吉凶行來渡海令一
人不櫛沐不食肉不近婦人名曰持衰若在塗吉利則以
財物如病疾遭苦以為持衰不謹便其殺之

魏志曰倭國在帶方東南大海中依山島為舊國百餘小
國漢時有朝見者今令使譯所通其三十國從帶方至倭
徠海岸水行歷韓國從乍南乍東到且北岸拘耶韓國七
千餘里至對馬國戶千餘里大官曰卑狗副曰卑奴毋之
所居三島方四百餘里地多山林無良田食海自活乘
船北行市羅又南渡一海一千里名曰瀚海至一大海置
官與對馬同地方三百里多竹木叢林有三千許家亦有
田地田田不足食亦行市羅又渡海千餘里至末國國戶
四千戶山海居人善捕魚水深淺皆能沉沒取之東東
千餘戶世有到伊都國官曰爾支副曰世謨觚柄渠觚有
陸行五百里王皆統屬女王帶方便使往來常止住又東

南至奴國萬里置官曰先馬舩副曰卑奴毋離有二萬餘
戶又東行萬里至不彌國戶千餘置官曰多模副曰卑奴
毋離又南水行二十日至於投馬國戶萬置官曰彌彌副
曰彌彌_水利又南_水行十日陸行一_水至耶馬臺國戶七
萬女王之所都其置官曰伊支馬次曰彌馬次曰彌
馬獲支次曰奴住鞮其屬小國有二十一皆統之女王之
男又有狗奴國男子為王其官曰狗石之_音卑狗者不_屬其安
王也自帶方至女國萬二千餘里其俗男子無大小皆黥
面_音又身聞其舊語自謂太伯之後又云自上古以來其使
詣中國草傳辭說事或蹲或跪兩手據地謂之恭敬其
呼應聲曰噫噫如然諾矣

又曰倭國本亦以男子為王漢靈帝光和中倭國亂相攻
伐_無定乃立一女子為王名昇彌呼事鬼道_能惑衆自謂
年已長大_無夫婿有男弟佐治國以婢千人自侍唯有
男子一人給飲食傳亂出入其居處宮室樓觀城柵守
衛嚴峻景初三年公孫淵死倭女王遣大夫難升米等言
帶方郡求詣天子朝見太守劉夏送詣京師難升米致所
屬男生口四人女王口六人班衣二疋詔書賜以雜錦采
七種五尺刀二口銅鏡百枚直珠鉛丹之屬付使還又封
下倭王印綬女王死大作塚殉葬者百_餘人更立男玉國
中不伏更相殺數千人於是立更復卑彌呼宗女臺舉年
十二為王國中遂定其倭國之東渡海千里復有國皆

倭種也又有倭中儒國在其南人長三四尺去倭國四千餘里又有穠國墨復在東船行可一年至

南史曰倭國風俗不淫男女皆露髻富貴者以錦綉雜采帽似中國 胡公豆晉安帝時有倭王讚遣使朝貢宋武帝末初二年詔曰倭王讚曰誠宜甄可賜除授文帝元嘉二年讚又遣使奉表獻方物讚死弟玠立遣使貢獻自稱使持節都督倭百濟新羅任那奉韓六國諸軍事安東大將軍倭國王詔除安東將軍倭國王玠又求徐正倭消等十三人平西征虜軍號詔並聽之自此朝貢不絕至順帝昇明二年倭王武道使上表言自昔祖彌躬擐甲胄跋涉山川不遑寧處東征毛人五十五國西服衆夷六

十六國凌平海北九十五國王道融秦廓土跋畿累葉朝宗不愆于歲道過百齊裝飾船舫而句麗舞道圖欲見吞臣亡考濟方欲大舉奄喪父兄使垂成之功不獲一簣今欲練兵申父兄之志竊自假開府同三司其餘咸各假授以勸節詔除武使持節督倭新羅秦韓六國諸軍事安東大將軍倭國王至齊建元中及梁武帝時並來朝貢北史曰隋開皇二十八年倭王姓何每字多利思比孤號河昔雞彌遣詣闕上令所司訪其風俗使者言倭上以天為兄以日為弟天明時出聽政踞坐日坐日出便埋霧云委我弟文帝曰此大无義理於是訓令改之王妻姓雞彌沒官有女六百人名太子為利多彌歌弗利

又曰倭國內官有十二等一日大德次小德次大人仁次小仁次大義次小義次大禮次小禮次大智次小智次太信次小信員无定數有軍尼一百二十人猶中國牧宰八十戶置一伊尼翼如今里長也十伊尼翼屬一軍尼

又曰倭國男子服飾衣裙襦其袖小履如履形漆其上繫之脚人庶多跣足不得用金銀為飾故時衣橫幅結束相連而无縫頭亦无冠但垂髮於兩耳上至隋其王始制冠白錦綵為之以金銀鏤花為飾婦人束其於後亦依裙襦裳皆有襪織取竹以為梳編草為薦雜皮為表緣以雜文皮

又曰倭國有弓矢鬻斧漆皮為甲骨為矢鏑雖有兵無征戰其王朝會必陳設儀使其國樂戶巨可十萬俗殺人強盜及奸皆死盜者計贓酬物無財者沒身為奴自餘輕重或流或杖每訊寃獄不承引者以木壓膝或置小石於沸湯中令所竟者探之云理曲者即手爛或置地甕中令取之云曲者即螫手人頗恬靜罕爭訟少賊盜樂有五絃琴笛男女多黥面文身没水捕魚無文字唯刻木結繩後於百濟求得佛經始有文字知卜筮尤信巫覡每至正月一日必射戲飲酒其餘節略與華同好其博握槊檮蒲之戲氣温煖草木十青土地膏腴水多陸少以木環柱鷓鷯項令入水捕魚日得百餘頭俗無盤俎籍以柵葉性質

直有雅風女多男少女婚嫁不娶同姓男女相悅者卽為
婚婦入夫家必先跨火乃與夫相見婦人不淫妬死者歛
以棺槨親賓就死者歌舞妻子兄弟以白衣製服貴人三
年殯庶人卜日而遷及葬置屍舡上陸地牽之或以小輿
又曰倭國有阿蘇山其石無故起接天者俗以為大異
因行禱祭有如意寶珠其色青大如雞卵夜則有光新羅
百濟皆以倭為大國多珍物並仰之恒通使往來

又曰隋大業三年倭國王多利思比孤遣朝貢使者日聞
海西菩薩天子重興佛法國書曰日出處天子致書曰
設處天子無恙云老帝覽不悅謂鴻臚卿中書書有無禮者
勿復以聞明年上遣文林郎裴世清使倭國王遣小德何

掌一徒數百人設儀仗鳴鼓角來後十日又迎遣大禮敬
多毗從三百餘騎郊勞既至彼都其王與世清來貢方
物此後遂絕

唐書曰倭國土風頗類新羅貞觀五年遣使獻方物太宗
矜其道遠勅所司無令歲貢又遣新羅刺史高袁仁持節
往撫之袁仁無綏遠之才與王子爭禮不宣朝命而還至
二十二年又附新羅奉表以通起居

日本國

漢書曰本國者倭國之別種也以其國在日邊故以日本
為名或云倭國自惡其名不雅改為日本或云日本舊小
國併倭國之地其人入廟者多自矜大不以實對故中

國絕焉

又云其國界東西南北皆數千里西界有界咸至大海東
界西界有大山限阻山外即毛人之國長安三年其大臣
朝臣真人來貢方物朝臣真人者猶中國戶部尚書冠進
德冠其頂為花分而四散身服紫袍以錦為腰帶真人好
讀經史解屬文容止閑雅則天晏於便殿授司膳卿放還
本國

又曰開元初日本國遣使來朝因請儒士授經詔四門助
教趙玄默就鴻臚寺教之乃遺玄默闊幅布以為束脩之
禮題云白龜元年調布人亦疑其偽為此題所得賜賚盡
市文籍泛海而還其偏使朝臣重滿慕中國之風因留不

去改姓名為朝衡仕虛左補闕義王友衡留京師五十年
好書籍放歸鄉逗留不去

又曰真元二十一年日本國遣使來朝留學生橘免勢率
問僧空海元和元年朝貢使判官高階真人上言前件學
生藝業稍成願歸本國便請身臣同歸從之開成四年又
遣使朝貢

海南經曰南倭北倭屬倭國在帶方東大海中以女為

塗身不妬忌
一子數十婦

綜與人

外國記曰周詳泛海落綜嶼上多紵有三千餘家云是徐
福童男之後風俗似吳人

蝦夷國

唐書曰蝦夷國海島中小國也其使鬚長四尺尤善弓矢
插箭於首令人戴觚而立數十步射之无不中者明慶四
年十月隨後使入朝

太平御覽卷第七百八十二

據黃氏新鈔本校

計六頁

太平御覽卷第七百八十三

四夷部四

東夷四

高句驪

范曄華後漢書曰高句驪國節於飲食而好治宮室其俗淫
皆潔淨自喜夜輒男女群聚為倡樂

魏零曰高句驪國在遼東之東千里其王都於丸都之下
方二十里戶二萬多山林無源澤其國貧儉土著為官室
宗廟祠靈星社稷其俗吉凶喜冠抄其國置官有相如軍
盧沛者古鄒加尊卑如各有等本捐奴部為王稍微弱今
桂婁部代之大家不田作下戶給賦稅如奴俗好歌舞其
人自喜跪拜申一脚與夫餘異行步皆走十月會祭天名

曰東盟有軍事亦祭天殺牛觀蹄以占吉凶加着贖如無
後其小加着折風形如牟無牢獄有罪者即會加評議便
殺之没入妻子為奴婢盜一責十二婚姻之法女家作小
屋於大屋後名為壻屋婿暮至女家戶外自名跪拜乞得
就女宿女家聽之至生子乃將婦歸其俗淫汚相奔誘其
死葬有槨無棺停喪百日好厚壘積石為封列種松柏兄
死亦殺嫂俗有氣力使弓矢刀矛有鎧習戰人有水水貊
俗出好弓其馬小便登山夫餘不能臣也沃沮穢皆屬之
其國都依大水而居王莽時發句驪以伐胡不欲行亡出
塞為寇害奔更名為下句驪

後魏書曰高句驪者出於夫餘自言先祖朱蒙母河伯

母夫餘王閑於室中為日斯照引身避之日影又出既而
有孕生一如大如五升夫棄之與豕豕不食棄之於路
牛馬避之又棄之野眾鳥翼之夫餘王剖之不能破遂還
其母其母以物裹之置於煖處有一男破殼而出及其長
也字之曰朱蒙其俗言朱蒙者善射也夫餘國人以朱
蒙非人所生將有異志請除之王不聽命之養馬朱蒙每
私試知其善惡駿者減食令瘦駑者善令肥夫餘王以肥
者自乘瘦者給朱蒙後侍于田以朱蒙善射則給之一矢
朱蒙雖一矢殪獸甚多夫餘之臣又謀殺之朱蒙可陰知
以告朱蒙與焉引遣二人棄夫餘東南走中道遇一大水
欲濟無梁夫餘人追之甚急朱蒙告水曰我是日子河伯

北史曰嘗投行抄
本亦誤

外孫今日逃走追兵垂及如何得齊於是魚鱉並浮為之
成橋朱蒙得渡魚鱉乃解追兵不得渡朱蒙至晉述水遇
見三人其一人衣着麻一人着衲衣一人着水藻衣與朱
蒙至紇升骨城遂居焉號曰高句驪因以高為氏焉北史
曰朱蒙夫餘時其妻懷孕朱蒙逃後生子始閭諸及長知
朱蒙為國王即與母亡歸之名曰閭達委之國事朱蒙死
至孫莫來立乃拜夫餘漢武帝元封四年滅朝鮮置玄菟
郡以高驪烏孫以屬之漢時賜之衣帻朝服鼓吹常從去
菟郡受之後積驕不復鼓郡但於東界築小城受之遂名
此城為憤溝婁者句驪城名也

又曰公孫度之雄海東也高句驪伯固與之通好伯固死
伊夷模立伊夷模數寇遼東建安公孫康出軍擊之大破
其國焚燒邑落伊夷模更作國於九都山下

又曰高句驪伊夷模死其子位宮立始位宮曾祖官生而
目開能視國人惡之及長凶虐國以破殘及位宮生亦能
視人高麗呼相似為位以為似其曾祖官故名位官亦有
勇力便鞭馬善射獵魏正始中位宮寇西安安平年幽
州刺史毋丘儉將萬人出玄菟討位宮大戰於沸流敗走
儉追至頽峴懸車東馬登九都山屠其所亦位官單將妻
子逵竄六年儉復討之位宮輕將諸加奔伏浹沮儉使將
軍王願追之絕浹沮千餘里到肅慎南界刻石紀功又刊
九都山銘不耐城而還

又曰後魏太武帝時高麗王劍曾孫璉如遣使者詣安東
奉表貢方物并請國諱太武帝嘉其誠欵詔下帝系各諱於
其國使員外散騎侍郎李敖拜璉為都督遼海諸軍事高
句驪王敖至其所君平壤城訪其方事云去遼東一千餘
里至柵城南至小海北至舊大餘人戶三倍於前魏時
後貢使相尋歲至黃金白銀四百斤

又曰後魏文明太后以獻文六宮未備勅璉令薦其女璉
奉表云女非已出求以弟女應旨朝廷許焉會獻文崩乃
止

又曰後魏太和十五年璉死其孫雲復朝賜衣冠服物車
旗之飾自此歲常貢獻至大統十年其王成遣使至西魏

朝貢及齊受東魏之禪又朝于齊文宣加成使持節侍中
驃騎大將軍高麗王如故

又曰北齊天保三年文宣至營州使博陵崔抑使于高
麗求魏末流人物抑曰若不從者以便宜行事及至不見
許抑張目叱之奉擊成墜於牀下成左右雀息不敢動謝
服抑以五千戶反命

又曰高句麗東至新羅西度遼百里南接百濟北鄰靺鞨
一千餘里人皆土著隨山谷而居衣布帛父土田薄瘠蠶
農不足以自供故其人節飲食其王好備宮室都平壤
城亦曰長安城其城隨山屈曲南臨溟水城內唯積倉儲
器備寇至方入固守王別為宅於其側不常居之其外復

有國內城及漢城亦別都也其國中呼為三京遼東玄菟
等數十城皆置官司以相統攝焉其置官有大對盧已下
凡十一等分掌內外事復有內評五部得薩人皆頭著折
風形如弁士人加挿二鳥羽貴者其冠曰蘇骨多用紫羅
為之飾以金衣服大袖衫大袖袴素皮帶黃革履婦人裙
襦加襪書有五經三史三國志晉陽秋兵器與中國畧
同及春秋校獵王親臨之稅布五疋穀五石遊人則三年
一稅十人共細布一疋其刑法峻罕有犯者樂有五絃琴
箏篳篥吹簫鼓之屬吹蘆以和曲每年初聚戲淇水上乘
輿晉列羽儀觀之事畢王以衣入水分為左右二部以水
石相濺擲喧呼馳逐再三而止性多詭伏言辭鄙穢不簡

親疎父子同俗其室寢好歌舞常以十月祭天其公會衣
皆以錦繡金銀以為飾好蹲踞食用俎豆出三尺馬云本
朱蒙所乘馬種即果下也風俗尚淫不以為愧俗多遊女
夫無常人夜則男女群聚而戲无有貴賤之節有婚嫁取
男女相悅既為之男家猪酒而已無財聘之禮或有受財
者人共耻之以為賣婢死者殯在屋內三年擇吉日而葬
居父母及夫喪皆三年兄弟二月初五日哭泣葬則鼓舞作
樂以送之埋訖死者生時翫好車馬置墓側會葬者爭取
而去

又曰隋開皇中高麗王元率靺鞨萬餘騎寇遼東西營州
總管肅世中擊走之帝大怒命漢諒為元帥總水陸討之

按所在下應
脫阻絕二字
遂出師弔伐
起遂不克行
之謫十年上
應脫唐書曰

貞觀五年
當另提行
此本據宋
本校想宋
本已諱脫
故校本仍
之補庵

具撰疑其
樓之謫

下詔黜其爵位元亦惶懼遣使謝罪上表稱遼東糞土臣
元云云上於是罷兵待之如初元亦歲遣朝貢煬帝嗣位
天下全盛高昌王突厥啓人可汗並親詣闕貢獻於是徵
元入朝元懼藩禮頗闕大業七年帝將討元罪車駕可從
水止營於遼東又勅諸將高麗若降即宣撫納不得縱兵
入城城將陷賊輒言降諸將奉旨不敢赴機每元馳奏此
報賊守禦亦備復出拒戰如此者三帝不語由是食盡師
老轉輸不繼諸軍多敗績於是班師

又曰隋大業九年煬帝復親征高麗勅諸軍以便宜從事
諸將分道攻城賊勢田感會楊玄感作亂拒大軍即日六
軍並還十年發天下兵會賊盜蜂起所在遂而師出伐十

九年命刑部尚書張亮為平壤道行軍大總管領將常何
等率江淮嶺硤勁卒四方戰艦五百艘自萊州汎海趨平
壤又以英國公李勣為遼東道行軍大總管江夏王道宗
為副率忠騎六萬趨遼東兩軍合勢太宗親御六軍以會
之夏四月李勣軍度遼進攻蓋牟城拔之以其城置州五
月渡遼水詔堅士卒志帝既至遼東城下見士卒負擔以
填塹者帝分其尤重者於馬上載之從官悚動爭賈以送
城下高麗聞我有拋車飛三百斤石於一里之外者甚懼
之乃于城上積木為戰樓以拒飛石勣列車發石擊其城
城所遇盡潰又推撞車撞具撲閣無不傾側拔其城為遼
州初帝自定州命每數十里置一烽屬于遼城與太子約

卷之八十一

剋遼東當舉烽是日帝命舉烽師次日崖城右衛大將軍
 李思摩中弩矢帝親吮其血將士聞之莫不感勵城主孫
 伐音遂乞降以其城置嚴州授伐音為刺史我軍之渡遼
 也莫離支遣加尸城七日人戍蓋牟城李勣盡虜之其人
 並請隨軍自効太宗謂曰詎不欲爾家之力爾家悉在加
 尸爾為吾戰彼將為戮矣破一家之妻子取一人之力用
 吾不忍也悉令放還車駕道次安市城高麗比部釋薩高
 延壽南部高惠貞^母高麗靺鞨之衆十五萬來救引軍直
 進太宗夜召諸將躬自指麾因令所司張降幕於朝堂之
 側曰明日午時納降虜於此矣遂率軍而進至時果敗二
 師之衆太宗因按轡觀賊營謂侍臣曰高麗傾國而來存

亡所繫一麾而敗天祐我也因下再存以謝天名所幸山
 為駐驂山令中書侍郎許敬宗為文勒石以紀其功八
 月移營安市城東勣等攻拔之乃詔班師初攻陷遼東城
 其中應沒為奴婢者一萬四千人並遣集沒為將分賞將
 士太宗敗其父母妻子一朝分教令有司准其直以布帛
 贖之赦為百姓其衆歡叫之聲三日不息

又曰貞觀二十年高麗遣使謝罪并獻二美女太宗謂其
 使曰歸謂爾主美色者人之所重爾之所獻信為美麗憫
 其離父母兄弟於本國番其身而亡其親愛其色而傷其
 心我不取也還之

又曰乾封元年高麗遣其子入廟陪位於太山之上其年

蓋蘇文死其子男住代為莫離支與弟男建男廩不睦為其所逐走據國內城使其使獻城詣闕求哀十一月命英國公李勣率郭待封等以征之二年二月勣至新城謂諸將曰新城是曰西境城鎮最為要害若不先圖餘未易可取遂引兵於城西南據山築柵且攻且守城中窘急數有降者自此所向克捷高藏及男建將首領九十八人持帛幡出降請使入朝勣以禮延接男建猶閉門固守一十月拔平壤城虜高藏男建等至京師遣俘于含元宮乃分其地置都督府九州四十二縣一百又置安東都護府以統之擢其首渠有功者授都督刺史及令縣與華人參阻絕軍多失期至遼水高麗亦因弊遣使乞降帝許之頓懷

漢鎮受其降仍以俘因軍實歸至京師

南史記曰高麗本有五族有消奴部慎如部灌奴部桂樓

部本消奴部為王微弱社婁部代之其置官有對盧不置沛

者有沛者則不置對盧焉晉安帝義熙九年高翼奉表獻

楮白鬪宋元嘉十五年馮弘為魏所攻敗奔高麗北豐

城表迎接文帝遣使王白駒趙坎興迎之并令高麗資

遣暉不欲弘南乃遣將孫激高仇等襲殺之白駒等率

所領七千餘人生擒激殺仇等二人十六年文帝欲侵魏

詔璉獻馬八百疋大明二年又有仇慎氏弟乃楷天石磐

歷齊梁並受爵位遣使奉表獻方物不絕

唐書曰高麗者出自夫餘之別種其國都於平壤城郡漢

樂浪郡之故地在東五千一百里其官大者號大節盧
比一品總知國事三年一代信稱職者不拘年限交替之
日或不相祗服皆勒兵相攻勝者爲之其王但閉宮自守
不能制禦次曰太人兄比正二品對盧已下官總十二級
外置州縣六十餘城大城置裨薩一人比都督諸誠置道
使比刺使其下各有僚佐分掌曹事衣裳服食唯王五綵
以白羅爲冠白皮小帶其冠及帶咸以金飾官之貴者則
青羅爲冠次以緋羅插二鳥羽及金銀爲飾衫簡袖袴大
口曰韋帶黃革履國人衣褐戴弁婦人首加市幘好圍碁
投壺之戲人能楚鞠食用邊豆簞簞罇俎爨洗頗有箕子
之遺風其所居必依山谷皆以草也葺舍唯佛寺神廟及

王宮官府乃用瓦其俗貧婁者冬冬月皆作長坑下燃火
煨以取煖偶田養蠶同中國城東有大穴名隧神皆以十
月王自祭之俗愛書籍至於衡門廝養之家各有街衢造
大屋謂之局堂子弟未婚之前晝夜於此讀書習射

又曰武德二年高麗王建武遣使來朝四年又遣使來朝
貢高祖感隋末戰士多陷其地五年賜建書云在此所有
高麗人等已令追括尋即遣送彼處有此國人者立可放
還務盡緩育之方共弘久恕之道於是建武悉搜由華人
以禮賓送前後至者萬數高祖大喜七年遣使往冊建武
爲上柱國遼東郡王高麗王仍將天尊像及道士往彼爲
之講老子其王及道俗等觀聽者數千人貞觀二年破突

厥頡利可汗武德遣使奉賀并上封域圖五年詔遣廣州
都督司馬長孫師往收瘞隋時戰亡骸骨毀高麗所立京
觀

又曰貞觀十六年高麗西部大人蓋蘇文有罪其王建武
議欲誅之蘇文乃召部兵於南城去將校閣諸大臣皆來
臨視蘇文勒馬盡殺之因馳入王宮殺建武立其弟大陽
子藏爲王自立爲莫離文猶中國兵部尚書兼中書令
之職也自是專國政蘇文姓泉氏鬚面甚常形體魁傑身
佩五刀左右莫敢仰視令其屬官俯伏於地踐之上馬亦
如之出必伏先布隊仗導者長呼以辟行人百姓畏避皆
自使抗谷太宗聞之理仍遣左武衛將軍薛仁貴摠兵鎮

之自是高氏君長遂絕

前定行
太平御覽卷第七百八十三

據黃氏新數本校計八頁

太平御覽卷第七百八十四

四夷部五

東夷五

豆莫婁

沃沮

肅慎

勿吉

扶桑

女國

文身

大漢

流求

豆莫婁

後魏書曰豆莫婁國在物吉北千里去洛陽六千里舊比夫餘也

沃沮

范曄後漢書曰東沃沮人性質直強勇持矛步戰

魏志曰東沃沮在高句麗蓋馬大山之東濱大海而居無

大君王世世有邑長其言語與句麗大同時時小異漢初
燕亡人衛滿王朝鮮時沃沮皆屬焉元封二年伐朝鮮分
其地為四郡以沃沮為玄菟郡後為夷貊所侵還屬樂浪
今諸邑洛渠帥稱三老臣句麗置其中大人為使又置丈
加以統之稅其貂布食物美女婢妾其土肥美背山向海
宜五穀人性質直少牛馬便持刀矛國俗 制度大較似
句驪其嫁娶之法女年十歲以相許男家迎之長卷以為
婦至成人更還女家貴賤畢乃復還男其葬送法治大木
槨長十餘丈開一頭作戶新死者皆假埋之須肌肉盡聚
置槨中舉家皆共一槨刻木如生隨死者為數又為瓦鬮
置米其中編懸之於槨戶邊

後漢書曰比沃沮人言海中有女國無男人或傳其國
有神井闕之輒生子云

魏志曰北沃沮一名置溝婁去南沃沮八百里其俗南北
皆同與挹接婁喜乘舡寇抄沮畏之夏日垣在山上長深
穴中為守備冬月冰凍舡道不通乃下居村落其耆老言
國人嘗乘舡捕魚遭風見吹數十日東得一鳥其上有入
言語不可曉其俗常以七月取童女沈海又言一國亦在
海中純女無男又得一布衣其兩袖長二丈又得一破舡
在岸邊有一人項中復有面與言不相曉不食而死

肅慎

書曰成王既伐東夷肅慎來賀道海東諸夷武王克商皆通

服之故肅王俾榮伯作賄肅慎之命王使榮伯為命書以

慎相來賀後漢書曰挹婁又肅慎之國也在夫餘東北千餘里東濱

大海南與北沃沮接不知其北所極土也地多山險車馬不

通人形似夫餘而言各有異有穀麻出赤玉好貂所謂挹

無君長其邑各有大人處於山林之間土氣極寒常以穴

居以深為貴大家至接九梯好養豕食其肉衣皮冬以豕

膏塗身厚數分以禦風寒夏則保以尺布蔽其前後其入

臭穢不潔作廁於中國而居之自漢興以後田屬夫餘種

衆雖少而多勇力處山險又善射發能入人自弓長四尺

力加弩矢用楛長一尺八寸青石為鏃鏃皆施毒中人即

死便乘舡好寇盜隣國畏患而卒不能伏東夷夫餘飲類

此皆用俎豆唯挹婁獨無法俗最無網紀魏志所

山海經曰不咸出在肅慎國有樹名雄先入代帝於此取

衣其俗無衣中國有聖帝

家語曰孔子在陳惠公賓之於上館時有雉集陳候之庭

而死楛矢貫之石弩楛箭鏃其長尺有咫惠公使以雉如

孔子之館問焉子曰雉之來遠矣此肅慎氏之矢也

肅慎國記曰肅慎氏其地在夫餘國北可六十日行東濱

大海夏則巢居冬則穴處父子世為君長無文墨以言語

為約其畜有馬猪牛羊不知乘馬以為財產而已猪放山

谷中食其肉坐其皮績猪毛以為布無井燧人作瓦畜西

升以食坐則箕踞足挾肉而啖之得凍肉坐其上令煥土

地無鹽燒木作灰灌取汁食之俗皆編髮以布作格慳徑尺餘以蔽前嫁娶之法男以毛羽插女頭女和則持歸然後致禮娉之婦貞而女淫貴壯賤老寡居終身不嫁性凶悍以無憂喪相而父子死男子不哭喪者謂之不壯相盜贓物無多少盡誅殺之雖野處並不相犯死者即日便塋於野交木作小槨殺猪積槨上富至數百貧者數十以為死者之糧以土覆之繩擊於槨頭出土上以酒灌醉終繩腐而止無時祭祀也其槨号三尺五寸插矢長尺有咫石弩皮骨甲石山在國東北取之必先祈神石利入鐵

勿吉

又魏書曰勿吉國在高句驪北舊肅慎國也去洛五千里

國有木闊二百餘里名速未速未水其地下濕無牛有車馬佃則偶耕車則步推有粟及麥糝音菜則有葵水氣鹹凝鹽池多猪無羊嚼米為酒飲之能醉婦人則布裙男子蓄大喪婚之夕男就女家女乳而罷便以為定仍為夫婦俗以人溺洗手面頭捕虎豹尾其父母春夏死立埋之冢上作屋不令雨濕若秋冬死以其尸哺貂食其肉多得之國南有徙太山魏言太皇有虎豹熊狼不害人其傍有大莫盧覆鍾國莫多迴國庫婁國素和國其伏弗國延犁小國拔火河國都羽陵國庫伏真庫魯婁國羽真挨國前陵各遣朝獻

北史曰勿吉國在高句驪北百靺鞨也落各自有長不相

總一其人勁悍於東夷最強言語獨異常輕立莫婁等國
 亦患之去洛陽五千里自和龍北二百餘里有善王山山
 北行一三日至祁黎山又北行七日至洛懷水水廣里餘
 又北行十五日至太岳魯水又東行十八日到其國其部
 類凡有七種一號栗末部與高麗接勝兵數千多驍武每
 寇高麗其二曰伯咄部在栗末北勝兵七千其三曰安車
 國部在伯咄東北其四曰拂涅部在伯咄東其五曰號室
 部在拂涅東其六曰黑水部在安車西北其七曰山部
 在拂涅東南勝兵並不過三千而黑水部尤為勁健自拂
 涅以東矢皆石鏃即古肅慎氏也東夷中為強國所居多
 依山水渠帥曰大莫弗音切咄國南有從大山者俗

甚敬畏之人不得山上洩汗行經山者以物盛去地卑濕
 築土如堤鑿穴以居開口向上以梯出入其妻有外淫者
 告其夫夫輒殺妻而後悔必殺告者由是奸淫事終不敢
 發人皆善射以射獵為業角弓長三尺箭長尺二寸常以
 土八月造毒藥傳矢以射禽獸中者立死者毒藥氣亦能
 殺人又曰延兵中勿吉國遣一力支朝獻太和初又貢馬
 五百匹乙力支稱初發其國乘舡溯灘可西上至上瀾河
 汎舡於水南出陸行度洛孤水從契丹西界達和龍自云
 其國法破高句驪十落密共百濟謀從水道并力取高麗
 先乙力支奉使大國謀其可否詔書三國同是藩附宜共
 和順勿相侵擾乙力乃還復自來道取得本舡汎達其

國

隋書曰開皇初勿吉國相率遣使貢獻文帝詔其使曰朕聞彼土人勇今來塞副朕懷視爾等如子爾等宜敬朕如父對曰臣等僻處一方聞內國有聖人故來朝拜既親奉聖顏願長為奴僕其國西北與契丹接每相劫掠後因其使來文帝誡之使勿相攻擊使者謝罪帝因厚勞之令宴飲於前使者與其徒皆起舞其曲折多戰鬪容帝顧謂侍臣曰天地間乃有此物常有兵意然其國與隋懸隔唯粟末曰山為近煬帝初與高麗戰頻敗其衆渠帥突地稽率其部降拜右光祿大夫居之抑城與邊人來往悅中國風俗請被冠帶帝喜之賜以錦綺而褒寵之及遼東之役突地稽率其徒以從每有戰功賞賜甚厚。

扶桑國

南史曰扶桑國者齊永平元年其國有沙門慧深來至和州說云扶桑在大漢國東二萬餘里地在中国之東其土多扶桑木故以為名扶桑葉似桐初生如笋國人食之實如梨而赤績其皮以為布以為衣亦以為錦作板屋無城郭有文字以扶桑皮為紙無兵甲不攻戰其國法有南北獄若有犯輕罪者入南獄重罪者入北獄有赦南獄不放在北獄者則放男女相配生男八歲為奴生女九歲為婢犯罪之身至死不出貴人有罪國人大會坐罪人於坑對之宴飲分訣若死別焉以灰繞之其一重則身屏退二重

則及子孫三重者則及七世各國王為乙祿貴人第一者
對盧第二者水盧第三為納咄沙國去行有鼓角導從其
衣色隨年改易甲乙年青丙丁年赤戊己年黃庚辛年白
壬癸年黑有牛角甚長以角載物至勝二十斛有馬車牛
車鹿車國人養鹿如中國畜牛以乳為酪有赤梨經年不
壞多蒲桃其地無鐵有銅不貴金銀市無租估其婚姻法
婿往女家門外竹屋晨夕洒掃經年而女不悅即驢之相
悅乃成婚大抵與中國同親喪七日不食祖父母喪五日
不食兄弟伯叔姑姑姊妹三日不食設坐為神像朝夕拜奠
不制衰經嗣王立三年不親國事其俗舊無佛法宋大明
二年罽賓國常有比丘五人游行其國始通佛法經教焉

女國

南史曰沙門惠深云女國在扶桑東千里其人容貌端
正色甚潔曰身體其毛髮長委地至二三月競入水妊娠
六七月產子女人曾前无乳項後生毛根白毛中有汗似
乳子百日能行三四年則成人矣見人驚避偏丈夫食醜
草如禽獸醜草葉似邪蒿而氣味醜

文身

南史曰文身國在倭國東北七千餘里人體有文如獸其
額上有三丈大直貴文小曲者賤土俗觀物豐而賤行
客不齋糧有屋无城郭國王所居飾以金銀錦麗繞屋為
墜丈寒以水銀雨則流于水銀之上市用珍寶

大漢

南史曰大漢國在文身國東五千餘里兵戈不戰伐風俗並與身國同而語異

流求

隋書曰流求國居海島之間當建安鄉東水行五日而至
關川之士多出銅其王姓歡期名渴刺梵不知其由來有
國代數也彼土人呼之為可老羊妻曰多扶茶所居曰波
羅檀洞室欄三重環以流水樹棘為藩王所居舍其大十
六門彫刻禽獸多闐鏤樹似橘而葉密條纖如髮紛然下
壘國有四五帥統者洞洞有小玉往往有村村有鳥了師並
以善戰者為之自相樹立理一村之事男女皆以白紵纏

髮從頭盤繞婦人以羅紋白布為帽織闐鏤皮并雜色紵
及雜毛以為衣製裁不一織藤為笠飾以毛羽兵有刀鞘
弓箭劔鼓之屬以紵為甲或以熊豹之皮王乘木獸令人
擊之而行導從不過數十人國人好相攻擊人皆驍健善
走難死而耐創諸洞各為部隊不相救助兩陣相當勇者
二五人相擊射如其不勝一軍皆走遣人至謝即共和解
收取鬪死者其聚而食之食皆用手無賦有事則均稅俗
無文字視月虧盈以紀時節候草枯以為年歲人深目長
鼻頰類於胡人縱年老髮多不白無君臣上下之節伏拜
之禮父子同牀而寢婦人產乳必食子衣以海海水為
鹽木汁為醋釀米麴為酒遇得異味先進尊者比有宴會

執酒醋必待呼名而後飲上王有酒亦呼王名銜盃同飲
頗同突厥歌呼蹋蹄一人唱衆和音韻哀怨其死者氣將
絕舉至庭浴其屍以布白之衰以蒿草襯土而殯上不起
墳爲子者數月不食肉有熊羆豺狼尤多猪鷄無牛羊驢
馬厥田良沃先以火燒而引水灌之持一睡以石爲刃長
尺餘闊數寸而墾之宜播種樹木同江表氣候與嶺南相
類俗事山海之神祀以酒肴開戰殺人便將所殺人祭其
神煬帝大業初海帥何蠻等每春秋二時天清風靜東向
依稀似有煙霧之氣亦不知幾千里二年帝令羽騎尉朱
覽入海求訪異俗何蠻言之遂與蠻俱往因到流求國言
語不相通掠一人并取其甲而還時倭國使來朝貢見之

曰此夷邪久國人所由也帝遣武賁郎將陳校朝請大夫
張鎮同率兵自義安浮海擊之至流求初稜將南方諸國
人從軍有嶼嶺人頗解其語遣人慰諭之流求不從拒逆
官軍稜擊走之進至其都頻戰皆敗毀其宮室虜其男女
數千人而還

叙南蠻

記曰王制曰南方曰蠻蠻交趾有火食者矣
也不火食氣勝不爲傳曰庸人率蠻蠻以叛楚庸分
是麋人率百濮聚於選將伐楚楚於是申

然舉至庭浴其屍以存自之哀也... 墳為子者數月不食肉有... 馬戰田良沃先以火... 尺餘闊數寸而... 幾倍入而... 神化以... 宮軍... 入... 新... 日出... 夫

宮軍... 入... 新... 日出... 夫

太平御覽卷第七百八十五

四夷部六 南蠻一

叙南蠻 越裳國 黃支國

盤瓠 廩君 板楯蠻

便

叙南蠻

禮記曰王制曰南方曰蠻雕題交趾有不火食者矣謂人

那以册青之文交趾足相傳曰庸人率羣蠻以叛楚庸分

庸縣屬楚廩人率百濮聚於選將伐楚選楚地百於是申

息之比門不啓

又曰楚子聞蠻氏之亂也與蠻子無質也質也使然丹誘

戎蠻子嘉殺之遂取蠻氏

又曰王子朝使告于諸侯曰茲不穀震蕩播越甯在荆蠻未有攸底

詩曰蠢爾蠻荆大邦為維蠢動也蠻荆

又曰脩爾車馬弓矢戎兵用戒戎作用湯蠻方蠻方蠻荆之外也此

持中國微弱故復職將率之臣以治軍實

又曰保有鳧繹遂荒徐宅至于海邦淮夷蠻貊及彼南夷莫不率從

尚書舜典曰柔遠能迓惇德允元而難任人蠻夷率服帝

曰皐陶蠻夷猾夏寇賊姦宄猾夏也夏華夏也周行攻劫

內曰沈無在言所致也

又禹貢曰三百里蠻以文德來之

論語曰子張問行子曰言忠信行篤敬雖蠻貊之邦行矣

史記曰吳太伯弟中雍皆周太王之子遜季歷乃祥荆蠻

文身斷髮示不可用荆蠻義之從西歸之千餘家

漢書曰賈誼上書云凡天子者天下之首何也上也蠻夷

者諸下之足何也下也

世統曰郝隆為桓溫南蠻參軍三月三日在溫席作詩曰

媿隔躍清池溫問何物荅曰蠻名兼為媿隅桓曰何作為

蠻語隆曰千里投公始博一蠻府參軍船得不作蠻語

越裳國

尚書大傳曰交趾之南有越裳國周公居攝六年制禮作

樂天下和越裳以三象重譯而獻白雉曰道路悠遠山川阻深音使不通故重譯而朝成王以歸周公曰德不加焉則君子不饗其質質亦贊也政不施焉則君子不臣其人吾何以獲此賜也其使請曰吾受命吾國之黃耆曰久矣天之無烈風淫雨意者中國有聖人乎有則盍往朝之周公乃歸之於王稱先王之神致以薦于宗廟周既衰於是稍絕

黃支國

漢書曰黃支國去合浦田南三萬國俗與朱崖略同武帝時來貢且多明珠璧琉璃奇石異物大珠圍及二寸至圍者置之平地終日不得正

盤瓠

後漢書曰昔高辛氏有大戎之寇帝患其侵暴而征伐不克乃訪募天下有能得犬戎之將吳將軍首者購黃金千鎰邑萬家又妻以少女時帝有畜狗其毛五采名曰槃瓠下令之後槃瓠遂銜人頭造闕下群臣恠而診視之乃吳將軍首也帝大喜乃以女配槃瓠得女負而走入南山止石室中所據險絕人跡不至於是女解去衣裳為僕鑿之結髻結著獨力之僕鑿獨力皆詳流俗或鑿也經三年生子十人六男六女盤瓠死後因自相夫妻織績木皮染以草實好五色衣服製裁皆有天形真裳班裳語言

侏離好入山谷不樂平曠帝順其意賜以名山廣澤其後漢書號曰蠻夷外痴肉黠安土重遷先父有功母帝之女

作賈賈無閔梁符傳相稅之賦有邑君長皆賜印綬冠用
獺皮名渠帥曰精夫相呼為媿徒今媿鳥獺媿我也
今長沙武陵蠻是也

又曰南蠻其在唐虞與之要質故曰要服夏商之時漸為
邊患暨于周代黨眾彌盛故詩曰蠢爾蠻荆大邦為讎至
楚武王時蠻與羅子共敗楚師殺其將屈瑕莫敖不設備
谷辭師因楚師振遂屬於楚及吳起相悼王南并蠻越
遂有洞庭蒼梧秦昭王使白起伐楚畧取蠻夷始置黔
中郡

又曰漢興改秦黔中郡為武陵歲令大人輸布一疋小口
二丈是謂賓布說文曰賓南蠻也音午冬切雖時為寇盜而不足為郡

國患光武建武二十三年武陵蠻精夫相單程等大寇郡

縣遣武威將軍劉尚發南郡長沙武陵兵萬餘人乘舡沂

沅水入武谿擊之沅水出嶺南故且蘭北東經虛溪長沙

巴陵郡入洞庭通功也武溪在今虛沃

臨沅今武陵郡武縣擊破之單程等飢困乞降會援病卒

諷者宗君聽悉受降為置吏以司之群蠻遂平

又曰順帝永和初武陵太守上書以蠻夷率服可比漢人

增其租賦議者皆以為可尚書令虞詡獨奏曰自古聖王

不臣其俗非德不能及威不能加其獸心貪婪難率以禮

是故羈縻而緩撫之附則受而不逆叛則棄而不追先帝

舊典貢稅多少所由來久矣今猥增之必有怨叛計其所

得不償所費必有後悔帝不從其冬澧中澧中蠻澧水出澧陽

鄂妾音果爭貢布非舊約遂殺鄉吏舉種反叛明年遣武

陵太守李進討破之斬首數千級餘皆降散

又曰延熹中長沙零陵蠻反叛寇江陵荊州刺史劉度謁

者馬睦南郡太守李肅皆奔走肅主簿胡爽扣馬首諫曰

蠻夷見郡無做備故敢乘間而進明府為國大臣連城千

里舉旌鳴鼓應聲十萬柰何委付守之重而為逋逃之人

乎肅拔刃向爽曰椽促去太守今急何暇此計抱馬固諫

肅遂殺爽而走帝聞之徵肅拜市復爽門閭拜家一人為郎

魏略曰高辛時比有老婦居王室得耳疾挑之乃得物大如

蠶婦人盛瓠中覆之以盤俄頃化為大瓠其文五色因名

盤瓠

于寶晉紀曰武陵長沙郡夷盤瓠之後也雜處五服之內

憑土阻險每常為獠雜魚肉而歸以祭盤瓠俗稱赤髓橫

裙子孫

唐書曰黃國公冊安昌者盤瓠之苗裔也世為東蠻帥與

田李向鄧各盤瓠一體世傳其皮盛以金函四時致祭黃國

武陵記曰山半有盤瓠石室可容萬人中有石床槃瓠行

迹今接山窟前有石羊石獸古跡異竒尤多坐石窟大如

三間屋遙見一石仍似狗形蠻俗相傳云是盤瓠象也荆

州記曰沅陵縣君居酉口有上武就陽二鄉此是槃瓠子

孫狗種曰二郡在武陵溪之北

廩君

後漢書曰巴郡南郡蠻本行五姓巴氏樊氏暉氏蠻音相氏鄭氏皆出於武陵鍾離山在今郡其山有赤黑二穴巴氏之子生於赤穴四姓之子皆生黑穴未有君長俱事鬼神乃共擲劍於石穴約能中者奉以為君巴氏子務相乃獨中之衆皆嘆又令各乘土船約能浮者因其立之是為廩君乃乘土舡從夷水至鹽陽鹽水有神女謂廩君曰此地廣大魚鹽所出願留共居廩君不許鹽神暮輒來宿旦即化為蟲與諸蟲群飛掩蔽日光天地晦冥積十餘日廩君思其便因射殺之天乃開明廩君於是君乎夷城四姓皆臣之廩君死魂魄世為白虎巴氏以虎飲人血遂以

人相馬

又曰秦惠王并巴中以巴氏為蠻夷君長世代尚秦女其人爵比不更有罪得以爵除

又曰漢興南郡太守靳強奏請一體秦時故事至武光建武二十三年南郡屠蠻山雷遷等始反叛寇掠百姓遣武威將軍劉尚討破之徙其衆人七千餘口置江夏界中其後江中蠻是也

又曰和帝末元十三年巫蠻許聖等以郡等收稅不均懷怨遂屯聚反叛荆州諸郡兵討之破復悉徙置江夏靈帝先熒味三年江夏蠻復反寇患累年廬江太守陸康討破之世本曰廩君使人操青縷以遺鹽神曰嬰此即相宜云與

女俱生弗宜將去鹽神受縷而嬰之廩君即立陽石上望青縷而射之鹽神死天乃大開說文曰幪南郡蠻夷布也

荆州圖曰夷陵縣西有溫泉古老相傳此泉原出鹽子今水有鹽氣縣西一獨山有石穴有二大石並立穴中相去一文俗名為陰陽石陰石常溫陽石常燥

盛弘之荆州記曰昔廩君浮夷水射鹽神于陽石之山按今施州清江縣江水一名夷水一名鹽水原山清江縣西都亭止

水經曰夷水別出巴郡魚復縣注云水色清照十丈分沙石燭人見影以澄清因名清江

板楯蠻

後漢書曰板楯蠻者秦昭襄王時有一白虎常從群虎數遊秦蜀巴漢之竟傷害千餘人昭王乃募國中有殺虎者賞邑萬家時有巴郡閬中夷人能作角竹之弩乃登樓射殺白虎昭王嘉之以其夷人不欲加封乃刻石盟復夷人頃田不租十妻不筭一户免其一頃田之租稅雖有十妻不輸口筭之錢也傷人者論殺人得以倏錢贖死倏蠻夷賈也盟曰秦犯夷輸黃龍一雙夷犯秦輸清酒一鍾夷人安之

又曰漢高帝為漢王發夷人還伐三秦今中秦地既定乃遣還巴中復其渠帥羅朴督鄂度夕龔七姓不輸租賦餘戶乃歲入貨錢口四十世號為板楯蠻夷閬中有渝水

其人多居水左右天性勁勇初為漢前鋒數陷陣俗喜歌舞喜音虛高祖觀之曰此武王伐紂之歌也乃命樂人習之所謂巴渝舞也

又曰靈帝光和中巴郡板楯蠻叛寇掠三蜀及漢中諸郡帝欲大發兵問益州計吏考以征討方畧漢中上計程苞對曰板楯七姓射殺白虎立功先世為義人其人勇猛善於兵戰昔安帝永初中羗入漢川郡縣破壞得板楯救之羗死敗殆盡故號為神兵羗人畏忌傳語種輩勿復南行至建和二年羗復大入實賴板楯連摧破之前年其將軍馬懸錕南征武陵雖用陽精兵之銳亦倚板楯以成其功近益州郡亂太守李頤亦以板楯討而平之忠功如此本無

惡心但長吏鄉亭更賦至重僕役筮楚過於奴虜朝廷悠遠不能自聞含怨呼天叩心窮谷邑落相聚以致叛戾非有謀王潛號以圖不軌今但選明能牧守自然案集不煩征伐也帝從其言遣太守曹謙宣詔赦之即皆降服

北史曰自劉石亂後請漸得北遷陸渾以南滿於山谷道武既定中山蠻王梅安率渠帥數千朝京求留質子以表忠款拜安侍子豹為安遠將軍延興中大陽蠻首桓誕擁河水以北漢葉以南八萬餘戶落內屬孝文嘉之拜誕東荆州刺史襄陽王誕字天生桓玄子也既內屬居朗陵王師南伐請為前驅計義陽不果而旋太和十七年蠻百田益宗率部曲四千餘戶內屬襄陽蠻首雷婆思等十壹人率

千餘戶內徙來居太和川詔給廩食後開南訪全有沔北
之地蠻人安堵不為寇賊宣武景明初太陽蠻首田育丘
等二萬八千戶內附詔置四郡十八縣魯陽蠻魯北燕等
聚衆萬餘攻逼頓陽遣右衛將軍李崇討平之徙萬餘家
於沔及六鎮尋叛南走所在追討比及河殺之皆盡正始
二年梁沔東太守田清喜擁七郡三十一縣戶萬九千內
附永平初東荊州太守桓叔與表前後招慰太陽蠻歸附
者一萬七百戶請置郡十六縣五十詔前鎮東府長史鄺
道元檢行置之後二荆兩郢蠻大擾動斷三鵞路殺都督
賊盜至於襄城汝水百姓多被其害連年攻討散而復合
其暴滋甚有冉氏向氏田氏姬落最盛大者萬家小者千
戶更相崇樹僭稱王決七據三峽拜過水路荆蜀行人至
有假道者周文畧定伊瀝葦教南被諸蠻畏威靡然向風
後唐州蠻任魯家叛自號豫州伯王確等討平之尋而蠻
帥舟令賢向五子王等及攻陷白帝天和初開封陸騰計
斬之以其骸骨於水遷城側為京觀後蠻蛋音見輒大哭
自此狼戾之心輒矣

俚

後書曰建武十三年九真徼外蠻里張里蠻之別號今率
種人慕化內屬封為歸漢里君沈懷遠南越志曰晉康
郡夫限者縣人夷曰帶城又其俗柵居實惟俚之域落南
州

異物志曰廣州南有賊曰俚此賊在廣州之南蒼梧鬱林合浦寧浦高涼五郡中央地方數千里往往別村各有長帥無君王恃褻山險不用城自古及今彌歷年紀民俗恣愚唯知貪利無有仁義道理土俗不愛骨肉而貪寶貨及牛犢若見賈人有財物水牛者便以其子易之夫或鬻婦兄亦賣弟若隣里有負其家債不時還者其子弟中愚者謂其兄曰我謂汝取錢汝但當善殯葬我耳其處多野葛為鈞俚數寸徑到債家門下謂曰汝負我錢不肯還我今當自殺因食野葛死而債家門下其家便稱怨宗族人衆往債家汝不還我錢而殺我子弟今當擊汝債家慚懼因以牛犢財物謝之數十倍死家乃自收死者罷去不以為恨

恨

裴淵廣州記曰俚獠貴銅鼓唯高大為貴面闊丈餘方以為奇初成懸於庭尅辰置酒招致同類來者盈門其中豪富子女以金銀為奩又執以叩鼓竟留遺生人名為銅鼓釵風俗好殺多構仇怨欲相攻擊鳴此禁鼓衆到者如雲有是鼓者極為豪雄

太平御覽卷第七百八十六

四夷部七

南蠻二

哀牢

烏許

林邑

扶南

真臘

叅半國

白頭國

哀牢

後漢書曰哀牢夷者其先有婦人名沙壹居牢山嘗捕魚水中觸沉木若有感因懷妊十月產子男十人後沉木化為龍出水上沙壹忽聞龍語曰若為我生子今悉何在九子見龍驚走獨少子不能去背龍而坐龍因舐之其母鳥語謂背為九謂坐為龍因名其子曰九隆沙壹將九隆居龍山下後九隆長大諸兄以九隆能為父所舐而黠遂

其推以為王後牢山下有一夫一婦復生十女子九隆兄
弟皆娶以為妻後漸相滋長種人皆刻畫其身象龍文衣
皆著尾九隆世世相繼乃分置小王往往邑居散在谿谷
絕域荒外山川阻深生人以來未嘗交通中國建武二十
二年其王賢栗遣兵乘公船音蒲南下江漢擊附塞夷
鹿多音皆鹿多人溺為所擒獲於是震雷疾雨南風飄起水
為音流翻涌二百餘里船沉沒哀牢之衆溺水者數千
人賢栗復遣六王將萬人以攻鹿多鹿多王與戰殺其王
哀牢者老共埋六王交虎復出其尸而食之餘衆驚怖立
引去賢栗惶恐謂其耆老曰我曹入邊塞自古有之今改
鹿多輒被天誅中國其聖帝乎天祐助之利其明也二十

七年賢栗等遂率衆人詣越雋太守鄭鴻降求內屬光武
封賢栗等為君長自是歲來朝貢

又曰永平十二年哀王柳翾遣子率種人內屬顯宗以其
地置哀牢博南二縣割益州郡西部都尉所領六縣合為
永昌郡始通博南山渡蘭倉水行者苦之歌曰漢德廣開
不賓庶博南越蘭津渡蘭倉為他人

又曰西郡都尉廣漢鄭純為政清潔化行夷貊夫子嘉之
即以為永昌太守純與哀牢夷人約邑豪歲輸布貫頭衣
二領鹽一斛以為常賦夷俗安之

九州記曰哀牢人皆僂耳穿鼻其渠師自謂王者耳皆垂
有三寸鹿人則至肩而已土地沃美宜五穀蠶桑知染絲

文繡有蘭干細布條言織成文章如綾錦有梧桐木葉績

以為布幅廣五尺潔白不受垢污先以覆亡人然後服之

有濮竹節相去二丈地出銅鐵鉛錫金銀光珠琥珀水精

琉璃軻蟲蚌珠孔雀翡翠犀象狸狢獸

唐書曰麟德元年五月於昆明之禿棟川置姚州都督府

每年差兵募五百人鎮守武太后神功二年蜀州刺史張

柬之上表曰姚州者古哀牢之舊國也本不與中國交通

漢前唐蒙開夜郎滇徼而哀牢不附至光武季年始請內

屬漢置永昌郡以統理之稅其鹽布禮罰以利中土其國

西通大秦東通交趾奇珍進貢歲時不闕及諸葛亮五月

渡瀘水收其金銀鹽布以益軍儲使張伯岐選其勁卒以

增武備前代置郡其利頗深今鹽布之稅不供珍奇之貢

不入而空竭府庫騷率平人受役蠻夷肝腦塗地漢得利

既多更置傳南哀牢二縣蜀人愁行者作歌今於國家無

絲髮之利在百姓受終歲之酷伏乞省罷姚州使肆舊府

歲時朝覲同之番國

烏滸

後漢書曰交阯西有噉人國生首子輒解而食之宜弟味

旨則以遺其君君喜而賞其婦取妻美則讓其兄今烏滸

人是也

南州異物志曰交廣之界民曰烏滸烏滸地名東界在廣州之

南交州之地恒出道間伺候二州行旅有單迥輩者輒出

擊之利得人食之不貪其財貨也地有棘厚十餘寸破以
作弓長四尺餘名孤弩削竹爲矢以銅爲鏃長八寸以射
急疾不凡用也地有毒藥以傅矢金入則捷皮視未見瘡
顧盼之間肌肉便皆壞爛須臾而死尋問此藥云取蠱諸
毒有螫者合着管中爆之既爛因取其汁百煎之如射肉
在其云地則裂外則不復裂也烏滸人便以肉爲殺俎又
取其觸履破之以飲酒也其伺候行人小有失輦出射之
若人無救者便止以火燔燦食之若人有伴相救不容得
食力不能盡擔去者便縱取手足以去尤以人手足掌躡
爲珍異以飴長老出得人歸家合聚隣里懸死人中當面
面向坐擊銅鼓歌舞飲酒稍就割食之春月方田尤好出

索人貪得之以祭田神也

異物志曰烏滸取翠羽採珠爲產又能織班布可以爲帷
幔族類同姓有爲人所殺則居處伺殺主不問是與非過
人便殺以爲肉食也裴淵廣州記曰晉興有烏滸人以鼻
飲水口中進噉如故

林邑國

南史曰林邑國大漢曰南郡象林縣古越裳界也伏波
將軍馬援開南境北縣其地從廣可六百里餘城去海
百二十里去日南界四百餘里北接九德郡其南界水步
道二百餘里有西圖夷亦稱王馬援所植二銅柱表漢
界處也其國有金山石皆赤色其中生金夜則出飛狀如

營火又出瑋瑁其齒古具沉木香具者樹名其花成時如
鴛鴦抽其緒紡之以作布布與紵布不殊亦染成五色織
為班布沉木香者士人所斷積以歲年朽爛而心節獨
在置水中則沉故名曰沉香次浮者棧香漢末大亂功曹
區連殺縣令自立為王數世其後王無嗣外甥范熊代立
死子逸嗣晉成帝咸康三年逸死奴文篡立父本曰南西
捲縣夷帥范幼家奴常牧牛於山澗鯉魚二化而為鐵因
以鑄刀成文向石呪曰若研石破者文當王此國因斫
石如斷芻藁文心異之范幼嘗使之商賈至林邑因投
林邑王作兵車器械王寵任之後乃讒言諸子各奔餘國
及王死無嗣文於隣國逐王子置毒於漿中殺之遂脅國

人自立

又曰林邑王文敵為扶南王子當根純所殺大臣范請農
平亂自立為王諸農死子陽邁立陽邁初在孕其母夢生
兒其人以金席精之其色光麗夷人請金之精者為陽邁
若中国云紫磨者因以為名宋末初二年遣使貢獻以陽
邁為林邑王陽邁死子咄立慕其父復曰陽邁其國俗居
處為閣名曰于闌門戶皆北向書樹葉為紙男子皆以橫
幅古具繞腰以下謂之于漫亦曰都漫穿耳貫小環貴者
着革屣賤者跣行自林邑扶南諸國皆然也其王着法服
加纓絡如佛像之飾出則乘象吹螺擊鼓罩古具繖以古
具為幡旗國不設刑法有罪者使象蹋殺之其大姓好婆

羅門嫁娶必用八月女先求男俗賤男而貴女同姓還相
婚姻使婆羅門引婿見婦握手相付咒曰吉利吉利為成
禮死者焚之中野謂之大葬其寡婦孤居散髮至老國王
事也乾道鑄金銀人像大十圍元嘉中陽邁侵暴回南九
德諸郡交州刺史杜弘文建牙欲討之聞有代乃止
又曰宋帝元嘉二十一年使交州刺史檀和之振武將軍
宗慤伐林邑和之遣司馬景憲為前鋒陽邁聞之懼欲輸
金一萬斤銀十萬斤銅三十萬斤還所畧回南戶其大臣
善辯僧達諫止之乃遣大帥范扶龍戍其北累區栗城
攻城剋之乘勝即克林邑陽邁父子並挺身逃奔獲其珍
異皆是未明之寶又銷其金人得黃金數萬斤。

又曰齊永明中林邑王范文贊遣使貢獻梁天監中文贊
子天凱奉表獻白猴自此貢獻不絕

北史曰林邑國延袤數千里土多香木金寶物產太抵與
交趾同以磚為城蜃炭塗之皆開北戶以向日或東西無
定尊官有二其一曰西船婆帝其二曰薩婆地歌其屬官
三等其一曰倫多姓次歌倫致而次乙地伽蘭外官分為
百餘部其長曰弗羅次曰可倫如牧宰之差也王戴金花
冠形如章甫衣朝霞布珠璣纓珞足躡革履時服錦袍良
家子侍衛者二百餘人皆執金裝兵有弓箭刀槊以竹為
弩傳毒於矢樂有琴笛琵琶五絃頗與中國同每擊鼓以
鷲東吹蠶以即戎其人深目高鼻髮拳色黑俗皆徒跣

以幅布纏身冬月袍婦人推髻書樹葉紙施柳葉為席王
死七日而葬有官者三日庶人一日以函盛屍鼓舞道從
輿至外次積薪焚之收其餘骨王則內金罌中沉之於海
有官者銅鬘一沉之海口庶人以瓦送之於江男女皆截
髮哭至水坎臺哀而止歸則不哭每七日燃香散花復哭
盡哀而止百日二年如之人皆奉佛文字同於天竺隋書
日林邑之先因漢末交趾女子徵則之亂內縣功曹子區
連殺縣令自號子為王無子其甥范熊代立死子逸立日南
人范文因亂為逸僕隸遂教之築宮室造器械逸甚信任
使文將兵極得衆心文因間其子弟或奔或徙及逸死國
無嗣文自立為王其後范佛為晉揚威將軍戴桓所破宋

交州刺史檀和之將兵擊之深入其境至梁陳亦通使往
來其國表延數十里高祖既平陳乃遣使獻千物其後朝
貢遂絕時天下無事羣臣言林邑多奇寶者仁壽末上遣
大將軍劉方為驩州道行軍總管率欽州刺史甯長真驩
州刺史李暉開府秦雄步騎萬餘及犯罪者數千人擊之
其王梵志率其徒乘巨象而戰方軍不利方是多掘小坑
草覆其上因以兵挑之梵志悉衆而陳方與戰偏北梵志
逐之至坑所其衆多陷轉相驚駭軍遂亂方縱兵擊之大
破之頻戰輒敗遂弃城而走方入其都獲其廟主十八枚
皆鑄金為之蓋有國十八葉矣方班師梵志復其故地遣
使謝使罪於是朝貢絕

唐書曰貞觀中林邑王梵頭黎死率國人共立頭黎女王
諸葛地頭黎之始子女王獨任國中不寧大臣可倫翁定
乃立地為王妻之以女王其國乃定諸葛地自立後遣使
司倫因地盤獻大珠狀如水精日午時正以珠承影取
艾衣之火見云得之於羅刹國今之環土國王即梵志之
後在日南郡西陸行一千餘日方至

扶南國

蕭子顯齊書曰扶南國男子截錦為橫幅女為貫頭貧者
以布自蔽鍛為鑲鑲音鑲銀器伐木起屋國王居重閣以
木柵為城海邊生大葉長八尺編其葉以覆屋國王行
乘象婦女亦能乘象無牢獄有訟者則以金指環若雞子

沸湯中令探又燒鑽令赤着手上捧行七步有罪者乎皆
焦爛無罪者不傷又令沒水直入即沉不直者不沉

又曰扶南在日南之南大海西灣中廣袤三千餘里有大
江水西海入海其先有女人為王名柳葉又有激國名混
填夢神賜弓一張故乘船入海填晨起於神廟樹下有兵
即乘船向扶南柳葉見船率眾欲禦之混填率弓遥射貫
船一面通中人柳葉怖遂降混填娶以為妻惡其裸露形
體乃穿疊布貫其首遂治其國子孫相傳

南史曰扶南王混盤死國人共舉范蔓為王蔓勇健有權
畧復以兵威攻伐旁國咸復屬之自號扶南大王乃作大
船窮漲海開國十餘闢地五六千里蔓死後大將范尋殺

其子長而代立更繕國內起觀閣遊戲之朝且中脯二四
見凡客百姓以蕉蔗龜烏為禮國無牢獄於城溝中養鱔魚
門外圈猛獸有罪輒一以餒猛獸及鱔魚獸不食為無
罪三日乃放之鱔魚大者長三丈餘狀如鼉有四足喙長
六七尺兩邊有齒利如刀劍常食魚遇得麀鹿及人亦
噉之蒼梧以南及外國皆有之

又曰扶南王憍陳如本天竺婆羅門也有神語曰應王扶
南憍陳如心悦南至盤查扶南人聞之舉國欣迎戴而立
焉後改制度用天竺法憍陳如死後王持製陀跋摩宋文
帝元嘉中三奉表獻萬物齊永明中王憍陳如闍邪跋摩
遣使送珊瑚佛像并獻萬物詔授安南將軍扶南王其國

人皆醜黑拳髮所居不穿井數十家共一地引汲之俗事
天神以銅為像二面者四手四面者八手毛各有所持或
小兒或鳥獸或日月其王出入乘象嬪侍亦然王坐則徧
踞翹膝垂左膝至地以白疊敷前設金盆香爐於其上國
俗居喪則剃髮除鬚死者有四葬水葬則投之江流火葬
則焚為灰爐土葬則瘞埋之鳥葬則棄之中野人性貪悞
無禮義男女悉其奔隨

隋書曰扶南國王造貢獻其王姓古龍諸國多姓古龍訊
耆老言崑崙無姓氏乃崑崙之訛

抱朴子曰扶南國出金剛可以刻王狀似紫石英其所生
在百丈水底盤石上如鍾乳人没水取之竟日乃出以鐵

搥之不傷鐵反自損以殺羊角扣之漼然冰津

外國傳曰扶南人若戶中亡器物者即以米一升詣神

廟乞神見盜者以米着神足下明日取米呼戶中奴婢分

令嚙之盜者口中血出米完不碎不盜者入口即敗徒日

南至徼外悉爾

又曰扶南之東漲海中有大火洲洲中有樹得春兩時皮正黑得

火燃樹皮正白紡績以作手巾或作注用不知燧畫

又曰扶南國人最大居舍雕文刻鏤好布施獵皆乘象一

去月餘日

南州異物志曰扶南國在林邑西二千余里立為三諸自屬皆有官

長及王之左右大臣皆号為崑崙

真臘

隋書曰真臘國在臨邑西南本扶餘之屬國也去日南郡

舟行六十日而南接車渠國四有朱江國其王姓利利氏

名質多斯那自其祖漸已強盛至質多斯那遂兼扶南而

有之子死伊奢那先代立伊奢那城郭下二萬餘家城中

有一大堂是王聽政之所其王三日一朝坐五香七寶床

上施寶帳以文木為竿象牙金鈿為壁狀如小屋懸余

光焰有同於赤土前有金香爐二人侍側王着朝霞古具

滿絡腰服下垂至脛頭戴金寶花冠披真珠瓔絡一足履

華屐耳懸金璫常服白疊以象牙為橋有五大臣一曰孤

落支二曰高相憑三曰婆羅多陵四曰舍磨陵五曰鬻

多婁及諸小臣朝於王者輒於階下三稽首王喚上階則
跪以兩手抱臍遶王還坐議政事記跪伏而去其國與參
半朱江二國和親數與陀桓林邑二國戰爭其人行止皆
持兵伏若有征伐因而用之其俗非王妻子不得為嗣王
初立之日所有兄弟並刑殘之或去一指或剝其鼻別
處供給不得自進人形小而黑色婦人亦有白者悉拳髮
垂耳性氣捷勁居處器物頗類赤土以右手為淨左手為
穢每旦澡洗以楊枝淨齒讀誦經咒又澡洗乃食食罷還
用楊枝淨齒飲食多蘇酪以糖糗粟米餅欲食之皆先取
雜肉羹與相和手搗而食男婚禮畢即與父母分財別居
父母死小兒未婚者以餘財與之若婚畢財物之官其喪

葬男女皆七日不食剔髮而哭僧尼道士親友皆來聚會
音樂送之以五香木燒之取灰以金銀瓶盛送于大水內
貧者或用瓦而以彩色畫之亦有不焚送屍山中任野
獸食之其國北多山阜南有水澤地氣尤熱無霜雪饒瘴
疔毒蟲土宜稌稻與日南九真相類異者有婆耶那娑樹
無花葉似冬瓜菴羅樹花葉似棗實似李毗野樹花似木
瓜葉似杏實似楮婆田羅樹花葉實並似棗而小異歌卑
地樹花似李葉似榆而厚大實似李其大如升海中有魚
名建回四足無鱗其鼻如象吸水上噴高五尺十尺有浮
胡魚其形如鮠背如鸚鵡有八足多大魚半身出水望之
如山每五六月中毒熱氣流行即以白猪牛羊於城西門

外祠之不然者穀不登六畜多死近都有陵伽鉢婆山上
有神祠每以一千人守衛城東有神名婆多利余牌人
肉每年殺人以夜祀禱大業十三年遣使貢帝獻厚禮之
其後亦絕

唐書曰真臘國貞觀二年又與林邑國俱來朝獻太宗嘉
其歷遠疲勞賜賚甚厚南方人謂真臘國為吉茂國自神
龍以後真臘分為二半以南近海多陂澤處謂之水真臘
半以北多山阜處謂之陸真臘亦謂之文單國高宗則天
玄宗朝並遣使朝貢水真臘國其境東西南北約皆八百
里東至奔陀浪州西至墮羅鉢底國南至小海北即陸真
臘其王所居城號婆羅是拔國之東界有小城皆謂之國

其國多象元和八年遣李摩船等來朝

參半國

唐書曰武德中參半國遣使朝貢其國在真臘西南千餘
里城臨大海土地下濕風俗物產並與林邑國同

白頭國

唐書曰貞觀中扶南來獻白頭國二人於洛陽云其國在
扶南之西參半之西南男女皆至素首身又疑白居山洞
之中四面巖險故人莫至與參半國相接

太平御覽卷第七百八十七

四夷部八

南蠻三

此三字第三行上空二字

赤土國 上空三

蒲羅中國 上空三

優拔國 上空二

橫跌國 上空三

北廬國 上空三

馬五洲 上空二

薄歎洲 上空三

耽蘭洲 上空三

巨延洲 上空三

濱邠專國 上空三

烏文國 上空二

期調國 上空三

林陽國 上空三

牟奴七國 上空三

蒲林國 上空二

師子國 上空三

毗加黎國 上空三

干陀利國 上空二

狼牙脩國 上空三

婆利國 上空三

訶羅陀國 上空三

呵羅單國 上空三

蒲黃國 上空二

婆皇國 上空三

婆達國 上空三

闍婆達國 上空三

槃鞞國 上空三

斤陀利國 上空三

赤土國

上空四

隋書曰赤土國扶南之別種也在南海行百餘日而達

所都土色赤因以爲號東婆羅刺國西婆羅婆國南訶羅
國國北巨大海地方數千里其王姓瞿曇氏名利富多塞
不知有國近遠稱其父釋王位出家爲道傳位於利富多
塞在位十六年矣有三妻竝隣國王之女也居僧祇城有
門三重相去各百許步每門圖畫仙人菩薩之像懸金
花鈴^相毘婦女數十人或奏樂或捧金花又飾四婦人容飾
如佛塔邊金剛力士之狀夾門而立門外者持兵杖門內
執百拂夾道垂素網綴花王宮諸屋悉是重閣北戶北面
而坐坐三重之榻衣朝霞布冠金花冠垂雜寶瓔珞四女
子立侍左右有兵衛百餘人王榻後作一龕以金銀五香
木雜鈿之龕後懸一金光焰夾榻又樹二金鏡鏡前並陳

金甕前各金香爐當前置一金伏牛牛前樹一寶蓋左
右皆有寶扇婆羅門數百人東西重行相向而坐其官有
薩陀迦羅一人陀拏達又二人迦利密迦三人共掌政事
俱羅未帝一人掌刑法每城置那耶迦一人鉢帝十人其
俗皆穿耳剪髮無跪拜之禮以香油塗身敬佛尤重婆羅
門婦人作髻於項後男女通以朝霞朝雲雜色布爲衣豪
富之家恣其華靡唯金鏤非王賜不得服用每婚嫁擇日
吉女家先期五日作樂飯酒父執女手以授婿七日乃配
焉旣娶則分財別居唯幼子與父同居父母兄弟死則別
髮素服就水上構竹爲棚棚內積薪以屍置上燒香建幡
吹蠶擊鼓以送之縱火焚薪遂落於水貴賤皆同唯國王

燒訖取灰貯以金餅藏於廟屋冬夏常溫雨多霧少種植
無時特宜稻稌白荳無麻其餘物產多同艾趾以甘蔗作
酒雜以紫瓜根酒色黃赤味亦香美亦名柳漿為酒又曰
煬帝即位募能通絕域者大業三年屯田主事駮虞部主
事王君政等請使赤土帝大悅賜駮等帛各百疋時服一
襲遣賫物五千段以賜赤土王其年十月駮等自南海
郡乘舟晝夜二旬每值便風至焦石山而過東南泊陵加
鉢拔多洲西與林邑相對上有祠祀焉又南行至師子
石自是島嶼連接又行二三日西望見狼牙須國之山
於是南達鷄籠島至於赤土之界其王遣婆羅門鳩摩羅
以舶三十艘來迎吹蠡擊鼓以樂隨使進金鑠以纜駮船

月餘至其都王遣其子卍耶迦請與駮等禮見遣人送金
盤貯香花并鏡鑷金合二枚香油金瓶八枚貯香水白疊
布四條以擬供使者與洗髮象二頭持孔雀蓋以迎使人
并致金花盤以籍詔函男子百人奉蠡鼓婆羅門二人導
路至王官宣詔訖引駮等坐奏天竺樂事畢駮等還館又
遣人送食以草葉為盤其大方丈後謂駮等入宴王前設
兩床床上並設草葉盤方一丈五尺上有黃白紫赤四色
之餅牛羊魚鱉猪瑇瑁之肉百餘品延駮升床徙者坐於
地席各以金鍾置酒女樂送奏禮遣甚厚尋遣卍耶迦
隨駮貢方物既入海見綠魚群飛水上浮海上十餘日至
林邑東南竝浦山而行其海闊千餘步色黃氣腥舟

行一日不絕云是大魚糞也循海北岸達于交趾至六年春與邠耶迦於弘農謂帝志大悅賜物及官賞各有差

蒲羅中國 上空四

吳時康泰為中郎表上扶律土俗曰利正東行極崎頭海邊有居人七皆有尾五六寸名蒲羅中國其俗食人

優鉞國 上空四

康泰扶南土俗曰優鉞國者在天竺之東南可五千里國土熾盛城郭珍玩謠俗與國同

橫跌國 上空四

康泰扶南土俗曰橫跌國在優鉞之東南城郭饒樂不及優鉞也

比攄國 上空四

康泰扶南土俗曰諸薄之東南有比攄洲出錫轉賣與外徼

馬五州 上空四

康泰扶南土俗曰諸薄之東有五洲出鷄舌香樹木多華少實

薄歎洲 上空四

康泰扶南土俗曰諸薄之西北有薄歎洲土地出金常以採金為業轉賣與諸賈人易糧米雜物

耽蘭洲 上空四

康泰扶南土俗曰諸薄之西北有耽蘭之洲出鐵

巨延洲

上空の

康泰扶南土俗曰諸轉薄之東北有巨延洲人民无田種芋浮船海中截犬蚌螺益往扶南

濱船專國

上空の

康泰扶南土俗曰濱船專國出驥都田馬及金俗民皆有衣被結髮也

烏文國

上空の

康泰扶南土俗曰烏文國昔混滇初載賈人大泊船所成此國

斯調國

上空の

康泰扶南土俗曰斯調洲灣中有自然監累如細石子國

人取之一車輸王餘自入

南洲異物志曰斯調海中洲名也在歌營東南可三千里上有王國城市街巷土地沃美

萬震南方異物志曰斯調國又有中洲焉春夏生火秋冬死有木生於火中秋冬枯死以為皮布

林陽國

上空の

康泰扶南土俗曰扶南之西南有陽國去扶南七千里土地奉佛有數千沙門撿戒六齊曰魚肉不得入國一日再市朝市諸雜米耳粟石密暮市但香花

南洲異物志曰林陽在扶南西七千餘里地皆平博民十餘萬家男女行善善人皆侍佛

牟羅國 上空四

摸盧國 上空四

未利國

卑離國

滿都國 上空四

纒余國 上空四

沙樓國

晉起居注曰太熙元年正月牟奴等國大小口十七萬九千餘人各遣正副使詣護東夷校尉何龕上獻方物

蒲林國 上空四

晉起居注曰興寧元年閏月蒲林國王新開通前所奉表詣先帝令遣到其國慰諭

師子國 上空四

宋元嘉起居注曰師子國王遣使奉獻詔曰此小乘經甚少彼國所有皆可悉為寫送之聞彼隣多有師子此未^觀可悉致之

法顯記曰師子國本無人正有鬼神及龍居之諸國商人來其市易鬼神自現身但出寶物顯其時直商人則依價直取物異國人聞其土樂悉衆復來於是遂成大國和適無冬夏之異草木常茂田種隨人無有時節

毗加梨國 上空四

宋元嘉起居注曰五年天竺毗加梨國王月受遣使上表并奉金剛指環一枚剛印摩勒金環一枚毘毘一具白旃檀六段白赤鸚鵡各一頭細疊兩張

干陁利國 上空四

南史曰干陁利國在南海洲上其俗與林邑扶南略同出班布古貝檳榔特精為諸國之極宋孝武世王釋婆娑羅

船騰隨遣長史竺留施獻金銀寶器梁天監元年其王瞿
曇修跋陀羅以四月八日夢一僧謂曰中國今有聖主十
年後佛法大興汝若遣使貢奉禮敬則土地豐樂商依百
倍若不信我則竟土不得自安初勿之信既而又夢此僧
曰汝若信我我當與汝往觀乃於夢中至中國拜觀天子
既覺心異之陀羅本工畫乃寫夢中所見武帝容質飾以
丹青乃遣使并畫工奉表獻玉盤等物使人既至摸寫帝
形以還其國比所畫則符同焉因盛以寶函日加禮敬後
跋陀死子毗針耶跋摩立遣長史毗員跋摩奉表獻金芙
蓉雜香^等

狼牙脩國 上空四

南史曰狼牙脩國在南海中其界東西二十日南北二十
日行北去廣州二萬四千里土氣物產與扶南畧同偏多
棧沉婆律香其俗男女皆而披髮以古具為干漫其王及
貴臣乃加霞布覆脚以金繩為絡帶金環貫耳女子則布
以纓絡繞身其國累轉為城重門樓閣王出乘象有幡旂
旗鼓罩白蓋兵衛甚嚴國人說立國已四百餘年後故自
斷王以為神因不敢害乃逐出境遂奔天竺天竺妻以長
女俄而狼牙王死大臣迎還為王二十餘年死子婆伽達
多立天監十四年遣使阿撤多奉表補貢

婆利國 上空四

南史曰婆利國在廣州東南海中洲上去廣州二月日行

族有賢者
國人歸向之
王聞乃加封
其錄無

國界東西五十日行南北二十日行有一百三十六聚土
氣暑熱如中國之盛夏穀一歲再熟草婆木常榮海出文螺
紫貝有石名琪貝大硬其國人披古貝如袍及為都縵乃
用班絲者以纓絡繞身頭着金長冠高尺餘形如牟綴以
七寶之飾帶金裝劔偏坐高座以金燈支足侍女皆為金
花雜寶之飾或持白毘拂及孔雀扇王出以象駕輿輿以
雜香為之上施羽蓋珠簾導從吹螺繫鼓自古未通中國
問其先及年數不能記自言曰靜王夫人即其國女天監
十六年遣使奉表獻席等普通二年其王頻伽復遣使珠
智獻白鵝鸚青蠶塊九鑿琉璃器古貝螺杯雜色香類十種
隋書曰婆利國自交趾浮海過赤州乃至其國國界東

西四月行南四十五日行王姓刹利耶伽名護濫那婆
官曰獨訶邪等次曰獨訶氏等國人善投輪刀其大如鏡
中有竅外鋒如鋸遠以投人無不中其餘兵器與中國畧
同俗類真臘物產同於林邑其殺人及盜截其手姦者鑊
其足碁年而止祭祀必以月晦盤貯酒殺浮之流水每十
一月必設大祭海出珊瑚有鳥名舍利解人語大業十二
年遣使入貢後遂絕

阿羅陀國

上空四

南史曰阿羅陀國宋元嘉七年遣使奉表曰伏承聖主重
三寶興立塔寺周滿國界今故遣使一人表此微心

阿羅單國

上空四

宋元嘉起居注曰去九年六月闍婆洲阿羅單國王毗沙跋摩遣使獻奉

又曰十一年阿羅單國王尸梨花遮耶獻銀漆梓等

南史曰呵羅單國都闍婆洲元嘉七年遣使獻金剛信環

赤鸚鵡鳥天竺國白疊古具葉婆國古具等物十年阿羅

單國王毗沙跋摩奉表曰常勝天子陛下諸物世尊常樂

安隱三達六通為世間道是名如來是故至誠五體敬

其後與子所篡奪十三年又上表二十六年文帝詔曰阿

羅單國婆皇婆達三國頻越遐海欵化納貢遠誠宜甄可

並加除授乃遣使策命之二十九年又遣長史婆和沙彌

獻方物

蒲黃國 上空四

宋元嘉起居注曰二十六年蒲黃國獻牛黃等物又獻鬱金香等物

婆皇國 上空四

南史曰婆皇國元嘉二十六年國王舍利婆羅跋摩遣使獻方物四十二種文帝策命之為婆皇國王二十八年復遣使貢獻孝武孝建三年又遣長史竺那婆智奉表獻方物以婆那智為振威將軍大明三年獻赤白鸚鵡大明八年明帝太始三年又遣使貢獻明帝以其長史竺須遠前長史振威將軍竺那婆智並為龍驤將軍

婆達國 上空四

南史曰婆達國元年二年六年國王王舍利不陵伽跋摩遣使獻方物文帝策命之為婆達國王二十六年二十八年復遣使獻方物

闍婆達國 上空田

南史曰闍婆達國元嘉中國王師利婆達呵阿陀羅跋摩遣使奉表曰宋國大主大吉天子足下教化一切種智安穩天人師降伏四魔成等正覺轉道法輪度脫衆生我雖在遠亦霑靈潤

盤盤國 上空四

宋起居注曰孝建二年七月二十日盤盤國王遣長使竺伽藍婆奉獻金銀琉璃諸香藥等物

南史曰盤盤國元嘉孝建大明中並遣使貢獻梁大通元年四年其王遣使奉表累送佛牙及畫塔獻沉檀等香數十種六年八月復遣使送菩提國舍利及畫塔國圖并菩提樹葉詹糖等香

梁書曰槃國南海大洲中北與林邑隔小海自交州船行四十日至其國王曰楊栗翼是嬭栗翼父曰楊德武連以上無得而記百姓多緣水而居國无城皆豎木為柵王坐金龍床每坐諸大夫皆兩手交抱肩而跪及其國多有婆羅門自天竺來就王乞財物王甚重之其大臣曰勃郎索濫坎曰崑崙帝也次曰崑崙勃和切次曰崑崙勃帝一耳且其言崑崙古龍聳相近故或有謂為古龍者其在外

城者曰郝延猶中夏刺史縣令其矢多以石為鏃稍則以金為刃有僧尼寺十所僧尼讀佛經皆食肉而飲酒亦有道士寺一所道士不飲食酒讀阿脩羅王經其國不甚重之俗皆呼僧為比丘呼道士為貪隋大業中亦遣使朝貢唐書曰祭國在林邑西南海曲中北與林邑隔小海自交州船行四十四日乃至其國與狼牙脩國為隣人皆學婆羅門甚敬佛法貞觀九年遣使朝貢方物

斤陁利 上空四

宋起居注曰孝建二年八月二日斤陁利國王釋陀羅隣陁遣長使使行留陁反多奉表獻方物

前案行

太平御覽卷第七百八十七

據南史新抄本校

計九頁

太平御覽卷第七百八十八

四夷部八

南蠻四

第三行上空二字

頓遜國

上空三

毗騫國

丹丹國

東謝

西趙蠻

南平蠻

羅刹國

投和國

附國

邊斗四國

殊奈國

甘棠國

金利毗逝國

趙和羅國

施洹國

暹婆登國

多茂國

多摩國

奇羅舍分國

杜薄國

鳥篤國

薄刺國

頓遜國

南史曰頓遜國在海倚土_{曲岸也}地方千里城夫海十里有五
里並羈屬扶南頓遜人東界通交州諸賈人其西界接
天竺安息徼外諸國往還交易其_市東西交會日有_舟餘
人珍物寶貨無所不有

唐書曰頓遜國出霍香插枝便生葉如都梁以_裹衣國有
區機等花十餘種冬夏不衰_{日載}曰千車貨其之花_更燥_更芬_載
馥_{亦末}米為粉以傅身焉

南州異物志曰與在扶南二千餘里本為別國扶南先
王范蔓有勇畧討服之今屬扶南竺芝扶南記曰頓
遜國屬扶南國主名岷崙國有天竺胡五百家兩佛圖天
竺婆羅門千餘人頓遜敬奉其道嫁女與之故多不去唯

讀天神經以香花自洗精進不捨晝夜疾困便發願為葬
歌_舞無送之邑外有鳥啄食餘骨作灰_記罌盛沉海鳥若不食
乃藍盛火葬者投火餘灰_記罌盛理之祭_記無年限有酒樹
有似安石榴取花與汁停甕中數日乃成酒美而醉人

毗騫國 上空四

南史曰毗騫國俗有空屋衣服敢粳米其人言語小異扶
南國內不受他_地客有往者殺而_敬之是以商旅不敢至王
常棲居不血食不事鬼神其子孫_生死如常人唯王不死
扶南王數使與書相報答常遣扶南王純金五十人食
器形如圓盤又如瓦_壚名為多羅受五升又如_碗者受一
升竺芝扶

南史記曰騫毗國去扶南八千里在海中國王身長三丈
頸長三尺自古以來不死知神理未然之事亦有子孫子
孫生死如常人唯此不死耳號曰長頸王食器皆純金
如此聞之石無央限也不聽妄取有偷者去知則殺食之長
頸王亦能作天竺書自道宿命所經與佛語相似作書可
三千言皆道是事如國有犯罪者共在王前食之平常不
敢食也

丹丹國 上空四

梁書曰丹丹國中大通二年其王遣使奉表送象牙及畫塔
二軀并獻火齊珠古具雜香藥大同元年復遣使獻金銀
琉璃雜寶香藥等物

隋書曰丹丹國在多羅摩羅國西北振州東南振州今
起德郡
殊崔同王姓刹利多尸陵伽理所可二萬餘家亦置州
縣以相統領王每晨文二時臨朝其大臣八人號曰八座
竝以婆羅朝其之王每以朝霞足履皮屨近則乘輿遠則
馭象其攻伐則吹蠡擊鼓兼有幡旗刑盜賊無多少皆殺
之士出金銀白檀蘇木檳榔其穀唯稻畜有沙牛羴羊猪
鷄鶩鴨麀鹿鳥有越鳥孔雀果蔗勅有蒲桃石榴瓜瓠
菱蓮菜有葱蒜蔓菁

東謝 上空四

唐書曰東謝蠻其地在黔州之西數百里內南按守官
獠西連夷子北至有蠻土宜五穀不以牛耕但為畚田每

歲一易俗無文字刻木為契散在山洞開衣樹為層巢而居汲飲皆自營生業無賦稅之事謁見貴人皆執鞭而拜有功勞者以牛馬銅鼓賞之有犯罪者小事杖罰大事殺之盜物倍還其贓婚姻之禮以牛酒為聘女婦夫家皆毋自送之女夫斬逃避經旬乃出讌聚則擊銅鼓吹大角歌舞以為樂好帶刀劍未嘗捨離丈夫衣服有衫襖大口袴以綿紬及布為之右肩上斜束皮帶裝以螺蛳虎豹猿狔及犬羊之皮以為外飾坐皆踞男女推髻以緋向後垂下其首領謝元深既世為酋長其部落皆尊畏之謝氏一族法不育女自云姓高不可下嫁故也貞觀三年元深入朝冠烏熊皮冠若今之旄頭以金銀絡額身披毛毳常皮

行賸而著履中書侍郎顏師古奏言昔周武時天下太平遠國歸款大周史乃集其事為王會篇令萬國來朝至今如此輩章服寶可圖寫今請撰為正會圖從之以其地為應仍拜元深為刺史隸黔州都督府

又曰南謝首領謝強與西謝隣其其元深俱來朝見為南嘉州刺史後改為莊州貞觀十三年正月西南番大會長蠻州刺史資陽郡開國公宋朱翥助如州刺史謝汕音蠻州巴江縣令宋萬乃傳萬州錄事參軍謝文經黔中經畧招討觀察王疑奏前件刺史三年一度朝今年懇訴稱州接牂牁同被聲教獨此排擯竊自慙耻謹遣隨牂牁刺史授官其牂牁兩州戶口殷盛人力強大隣側諸番悉皆敬憚請比兩

用勇三年一度朝賀仍依牂牁輪環毒定并以才幹位
望為衆推者充勅從之

西趙蠻 上空四

唐書曰西趙蠻在東謝之南其界東至夷子西至昆明南
至西洱河音山洞阻深莫知道理南北十八日行東西
二十三日行其風俗物產與東謝同首領趙氏世為酋長
有戶萬餘貞觀三年遣使入朝二十一年以其地置明
州即以首領趙磨為刺史

南平蠻 上空四

唐書曰南平蠻北與涪州接部四千餘戶男子在衽露髮
徒跣婦人橫布兩幅穿中而貫其首名為通郡其入美髮

為髮鬚於後以竹筒如筆長三四寸斜貫其耳貴者亦
有珠鬚土多女少男為婚之法女氏必貨求男族貧人無
嫁資女多賣與富人為婢俗皆婦人執役其王姓朱氏號
焉劔荔王貞觀中遣使內附以其地隸渝州

羅刹國 上空四

隋書曰羅刹國在婆利之東其人極陋朱髮黑身獸牙鷹
爪時與邑人作市輒以夜書目則掩其面煬帝大業三年
使常駿等使赤土國致羅刹無

投和國 上空四

隋書曰投和國在南海太洲真職之南自廣州西南水
行百日至其國王姓投利羅名肺邪之遙理所城覆屋以

瓦並為閣而居，屋壁皆以綵畫之。城內皆王室，城外人居可萬餘家。王宿^南圍之士百餘人，每臨朝則衣朝霞冠，金耳挂金環，頸挂金涎衣。^切運足履寶裝皮履，官屬有朝請將軍、總知國政、又有參軍、功曹、主簿、城局、金威將軍、贊理、府等官，分理文武。又有州及郡、縣、州有參軍，郡有金威將軍，縣有城局，為其長官。初至，各選官僚助理政事。刑法盜賊多死者，輕者穿耳及頰，私鑄銀錢者，^載砍腕。國無賦稅，俱隨意貢奉，無多少之限。多以農商為業。國人乘象及馬一國之中，馬不過千疋，又無鞍轡，唯以繩穿頰為之。節制音樂，則吹蠡擊鼓，死喪則祠祀哭泣，人焚屍以髻盛之，沉於水中。若父母之喪，則截髮為孝。其國市六所，貿易皆用

銀錢小如榆莢，有佛道，有學校，文字與中夏不固，誤其者老云：王無姓名，齊杖摩王所坐塔圓，以佛塔以金飾之，門皆東向，坐亦東向。

唐書曰：貞觀中，投和國遣使奉表，以金函盛之，又獻金盞、^真金鎖寶帶、犀象海物等數十品。

附國 上空四

隋書曰：附國者，蜀郡西北二千餘里，即漢之^南王夷也。有嘉良夷，即其東部所居，種姓自相率，領土俗與附國同，言語少殊，不相統一。其人無姓氏，附國王字宜，繪其國南北入百里，西千五百里，無城柵，近川谷，傍山險，俗好復讎，故壘石而居，以避其患，高至五餘丈，下至五六尺，每

級丈餘以衣隔之基方三四步其上方二二步狀似浮
圖於下級開四門從內上通夜必開門以防賊盜國有二
萬家號令自王出嘉良夷政令擊之酋帥重罪者死輕
罪者罰牛人皆輕捷擊劔漆皮為牟甲弓長六尺以竹為
強妻其群母及其嫂兄弟死父兄亦納其妻好歌舞鼓吹
長笛有死者無服置死高牀之上沐浴衣服被以牟甲
覆以獸皮子孫不哭帶甲舞劔而呼云我父為鬼所取我
欲報寃殺鬼自餘親戚三聲而止婦人哭必以兩手掩面
死家殺牛親屬以猪酒相遺共飲敢而瘞之死後十日而
大葬必集親賓殺馬動至十數立其祖父神而事之其
世以果皮帽形圓不手形圓一如鉢或戴嘉衣多毛駝皮裘為靴頂擊

鐵鎖手貫鐵釧王與酋帥金為飾帽前懸一金花徑三寸
其土高氣候涼多風少雨土宜小麥青斜山出多銀銀
多白雉水有加魚長四尺而鱗細大業四年其王遣使素
樹等八人入朝明年又遣其弟子宜林率嘉良夷六十人
朝貢欲獻良馬以路險不通請開山道脩職貢煬帝以
勞人不許嘉良有水濶六七十丈附國有水濶百餘丈並
南流用皮為舟而濟

邊十四國 上四

隋書曰邊斗國 班云都 昆國 都 拘利國 九 此高國
並扶南度金隣大灣南行千里有此國其農作與金隣同
其人多白色都昆出好棧香藿香及硫黃其藿香樹生千

歲根本甚太伐之四方木皆朽敗唯中節堅真其芬香獨存
取爲香

殊奈國 上空四

唐書曰貞觀二年殊奈國遣使貢方物殊奈者崑崙人也
在林邑南去交陞海行月餘日俗習文字與婆羅門同路
絕遠古未嘗朝中國至是始通

其堂國 上空四

唐書曰其堂國在大海之南崑崙人也貞觀十年與未俱
婆國同日朝貢太宗謂侍臣曰南夷西域自遠而至故何
也房玄齡對曰當中國又安帝德遠被也太宗曰誠如公
言向使中國不安何緣而至朕何德以堪之

金毗利逝國 上空四

唐書曰金毗利逝國在京西南四萬餘里東去致物國二
千里西去赤土國一千五百里南去波利國二千里柳衢
國三千里其國有城邑庭舍衣朝霞白疊每食先泥上鋪
席而後座國王名本多揚牙前有隊伏甲鑿具多樹皮其
風俗物產與貞臘同

墮和羅國 上空四

唐書曰墮和羅國南與盤國北與迦邏舍佛東與貞臘接
西隣大海去高州五月日行貞觀十三年其王遣使貢
方物二十三年又遣使獻象牙火珠請賜好馬詔許之

陀洹國 上空四

唐書曰隋涇國在林邑西南大海中東南與墮和邏接去
交阯三月餘行宿服於隋和羅其王姓察失利字婆那土
無蠶桑以白疊朝霞布為衣俗皆樓居謂為闌干貞觀十
八年遣使來朝二十一年又遣使獻白鸚鵡毛羽皓素頭
上有紅毛數十莖與翅齊及婆律膏仍請馬及桐鍾詔並
給之

隋婆登國 上空四

唐書曰隋婆登國在林邑南海行二月東與訶陵西與迷
黎車接北界大海風俗與訶陵同種稱每月一熟有文字
書於其多葉其死者口塞以金又以金汁貫於四肢然後
加以婆律膏及檀沉龍腦等香積薪以焚之貞觀中遣使

獻金花等物王之所居堅木為城造大屋重閣覆以椽栳
皮所坐床悉以象牙為之亦以象牙為席食以手掬之
意又以椰樹花為酒飲之亦醉有由穴海湧出面鹽國人
取食其國人有毒與常人同正宿即令身生瘡與之交會
便死若涎液露者草木即枯其人死身不臭不爛

多茂國 上空四

唐書曰多茂國貞觀時通焉在南海外界週迴可一月行
南阻大海伊俱遊國北波利日國東真陀桓國戶口極多
置三十州不役屬他國有州郭宮殿樓櫓並用瓦木以十
二月為歲其物產有金銀鐵象牙犀角朝霞朝雲等布其
俗交易用金銀朝霞等為買百姓二十而稅一五穀菜蔬

與中國不殊

多摩國 上空四

唐書曰多摩國長居國長居於海島東與婆鳳西與多隆
與半反跋華言五山也北與訶陵等國接其國戶界東西
可一月有南北可二十五行其王子元龍子也名洞利骨
利得也島即部之得一女子容色殊妙即以為妻其王尸
羅幼傭伊說即其後也顯慶中遣使貢獻其俗無百姓居
以稱為城以枝為屋坐師子坐東向衣物與林邑同勝兵
三萬人無馬有弓刀甲稍婚姻無同姓之別其食可器盤
鉄金銀所食尚酥乳酪沙糖石密其家畜有殺水牛野獸
有麀鹿等死亡無喪紀之時以火焚其屍其音樂略同

竺有婆船婆宅護遮率磨櫛等菓多甘蔗從其國徑薛盧
都思訶盧林邑等國達於交州

哥羅舍分國 上空四

唐書曰哥羅舍分國在南海之南接墮和羅勝兵二萬人
其王蒲越加摩顯慶五年遣使朝貢

杜薄國 上空四

唐書曰杜薄國在扶南東漲海中直渡海數十日至其人
色白皙皆有衣服國有稻田女子作白疊華布出金銀鉄
以為金錢出鷄舌香可含以香不入眼鷄舌其為木也氣
辛而性厲禽獸不能至故未可識其樹者華熟自零隨水
而出方得之杜薄洲有十餘國城皆稱王

鳥篤國

唐書曰鳥篤國在中天竺南一名烏伏那地方五千餘里
百姓殷實人性懦弱頗詭詐尤工禁術篤信佛法文字禮
儀畧同天竺自古不通中國貞觀中其王達摩因陀訶斯
遣使獻腦香

薄刺洲

唐書曰薄刺洲隋時聞焉在拘利南海灣中其人色黑而
齒白眼正赤男女並無衣服一名敦焚洲

抱朴子云敦焚洲在薰綠水膠所出楓脂矣所以不可多
得者正患狃狉獸啖人狃音結此獸大者重十斤狀如水
獺其身頭及他處了無毛唯從鼻上以竟音春至尾上有毛

廣一寸許青長三四分許其無毛處則如韋囊人張捕得
之斬刺不傷積薪烈火縛以投火中薪盡而此獸不焦須
以大竹杖打之皮不傷而骨碎都盡而死

太平御覽卷七百八十八

據黃氏新鈔本校計九頁

太平御覽卷第七百八十九

四夷部十

南蠻五

第三行上空二

南詔蠻

驃國

暴蠻等部落

勿鄧

大賧

南瀘

量水川

彌諾國

彌臣國

崑崙國

小婆羅門國

夜半國

女王國

獨錦國

弄揀國

青蛉國

長禪國

施蠻

磨此蠻

撲此國

尋傳國

裸形國

苴望子國

均至蠻

黑齒諸蠻

繡面蠻

穿鼻蠻

長髮揀鋒

范蠻

崇魔蠻

南詔蠻

上空四

唐書曰南詔蠻本烏蠻之別種也姓蒙氏蠻謂王為詔自言哀牢之後代居蒙舍州為渠州在漢永昌故郡東姚州之西其先渠師有六自號六詔兵力相埒各有君長無統帥蜀時為諸葛亮所征皆臣服之

又曰南詔蠻國初時有龍舍生子迦獨生細奴邏高宗時來朝細奴邏生還盛武后時朝其妻方娘遠盛次姚州聞妻生子曰吾且有子死於唐地足矣子名盛還皮還盛至京師賜錦袍金師國開元初還盛死盛還皮立盛還皮死子皮還閣立

歸

又曰南詔蠻皮還閣嗣立二十六年詔授持進南越國公賜名曰歸義其後破洱阿蠻洱音而志切以功策授雲南王歸義漸強盛餘五詔浸弱先是劍南節度王昱受歸義賂奏六詔合為一詔歸義既併五詔服郡蠻破吐蕃之衆兵日以驕大遂徙居太和城天寶四載歸義遣孫鳳迦異來朝授鴻臚卿歸國恩賜甚厚

又曰閣羅鳳襲封王無何鮮于仲通為劍南節度使張虔為雲南太守通褊急寡謀虔陀橋君遇之下以禮舊事南詔嘗與其妻子謁見都督虔陀皆私利莫有所徵求閣羅鳳多不應虔陀遣人罵辱之仍密奏其罪惡閣羅鳳忿怒因發兵反圍虔陀殺之後遣使謝罪仍與雲南錄事參軍

姜如芝俱來請還其所虜掠其言吐蕃大兵壓境若不許當歸命吐蕃雲南之地非唐有也仲通不許因使趙軍逼大和城為南詔所敗自是閣邏鳳比臣吐蕃

又曰閣邏鳳死其孫異牟尋頗知書有才知善撫其眾吐蕃役賦蠻南重數又奪諸蠻險地城立城堡歲徵兵以助鎮防牟尋益厭苦之有鄭回者本相州人夫寶中授嵩州西廬縣令雋州陷為所虜閣邏鳳以回有儒學更名曰蠻利甚愛重之命教鳳迦異及異牟尋立以回為清平官事皆咨之回嘗言於牟尋曰自昔南詔嘗款附中國中國尚禮義以惠養為務無所求取今棄蕃歸唐無遠戍之勞利莫大焉牟尋善其言謀內附者十餘年矣會劍南西川

節度使韋皋招撫諸蠻苴烏星虜望等歸化聞牟尋之意因諸蠻寓書於牟尋且招懷之牟尋乃斬吐蕃使去其所立帝號以歸家仍請復南詔舊名初吐蕃因爭北庭與迴鬪大戰死傷頗衆乃徵兵於牟尋須萬人牟尋欲因以襲之及示寡弱謂吐蕃曰蠻軍數少僅可發三千人入蕃五千入戍吐蕃乃將數萬踵其後晝夜兼行乘其無備大破吐蕃於神川鐵橋遣使告捷帝乃命兼御史中丞袁滋持節冊南詔王仍賜金印曰貞元冊南詔印

驃國上空四

唐書曰驃國在求昌故郡南二千餘里其國境東隣真臘

西接東天竺南盡滇海北通南詔此三樂城界北距陽直
東畔城六千八百里往來通聘迦邏提婆等二十國役屬
者道林王等九城食境土者羅君潛等二百九十八部落
其王姓因沒長名摩羅惹其國相名摩訶思和其王近適
別輿以金繩床遠適則乘象嬪娥甚衆常數百人其羅城
構以磚甃周一百六十里壕岸亦構磚相傳本是舍利佛
城城內有居人數萬家佛寺百餘區其堂宇錯以金銀皆
塗以丹彩施紫纈覆以錦罽其俗好生惡殺其土宜熟粟
稻粱無麻麥其理無刑名極酷之且犯罪者以竹五十本
束之復犯者撻其背數止五輕止三殺人者戮之男女十
歲則落髮止寺舍衣桑門至二十不悟佛理乃復髮爲居

入其衣服悉以白氎爲朝霞繞腰而已不衣繒帛云出於

蠶爲傷生故也君臣父子長幼有序華言謂之驃目謂突

羅城閭婆人謂之徒里拙古未嘗通中國貞元中其王聞

南詔異牟尋歸附心慕之八年乃遣其弟則悉則移因南

詔重譯來朝又獻其國樂凡十曲與樂工三十五人俱樂

曲皆演釋氏經論之詞意以悉移爲試大僕卿

南夷志曰驃國在永昌南七十五日程閣邏鳳所通也其

國用銀銀錢以青磚爲圓城周行一日程百姓盡在城有

十二所堂當國王所居門前有大象路坐高百餘尺白如

雪推步天文若有訴訟者即令焚香向大象思惟是非便

各引退或有災疫王亦焚香對象悔過自青男子多衣白

蠻婦人當頂為高髻以金錢真珠為飾其青婆郡人披羅
段行必持羅段行必持扇貴家婦皆三人五人在傍扇與
婆斯及婆羅門接界西去舍利城六十日程疑此是東天
竺也

暴蠻

等部落 上空四

南夷志曰竹子嶺東有暴蠻部落嶺西有盧鹿蠻部落又
有生蠻磨彌殿部落此等部落皆東蠻為蠻也男則髻女
則散髮見人無節拜跪三譯乃與華通大部落則有大鬼
主百姓二百家小部亦有小鬼主一切信使鬼巫用相主
服制土多牛馬無布帛男女悉被牛羊皮

勿卸 上空四

南夷志曰勿卸部落大鬼主薨衢地方十萬里功部一姓
白蠻五姓烏蠻婦人以黑繒為衣白蠻婦人白繒為衣下
不過膝

大睽 上空四

南夷志曰大睽周迴百餘里悉是野蠻無君長地有瘴毒
南睽人至中瘴者十死八九閣邏鳳嘗遣使築城於彼管
制野蠻不逾歲死者過半遂罷棄其土肥沃種瓠長丈餘
冬瓜亦然皆三尺圍又多薏苡無農桑收此充糧三面皆
是雪山其高造天

南瀘 上空四

南夷志曰瀘水蜀諸葛亮伐南蠻五月渡瀘大如臂川中

氣候常熱雖方冬行過者皆祖衣流汗

量水川 上空四

南夷志曰量水川在滇池南兩日行漢舊黎州地川中有天地其地水南流出一石竇中水流甚廣石竇甚狹蠻土云此竇忽室空則百姓憂溺

彌諾國 上空四 彌臣國 空四

南夷志曰彌諾國彌臣國皆邊海國也呼其君長為壽彌諾面赤而長彌臣面黑而短性恭謹每與人語向前一步一拜國無城郭彌諾王所居屋之中有一大柱雕刻為文飾以金銀彌臣王以木柵為居海際水中以石師子為屋四足仍以板蓋悉用香木王出即乘象百姓皆樓居披婆

羅籠男女多俗好百樂樓兩頭置鼓飲酒即擊鼓男女携手樓中踏舞樂在永昌城西南六十日程

崑崙國 上空四

南夷志曰崑崙國王北去四洱河八日程出象及青木香旃檀檳榔琉璃水精犀角等物蠻寇嘗攻之為其决水淹浸進退無計餓死萬餘不死者去其右腕放迴

小婆羅門國 上空四

南夷志曰小婆羅門國在永昌七十四日程俗不食牛曰預知身後事出且齒白蠟越諾共大耳國來往蠻夷善之信通其國

夜半國 上空四

太平御覽卷一百八十一

南夷志曰夜半國在蒼望城東北隔麗水城川原其婦人
唯與鬼通能知吉凶倘福本土君長崇信之蠻夷往往以
金購之要知善惡

女王國

上空四

南夷志曰女王國去驩州十月程往往與驩州人交易蠻
嘗伐之中其中藥箭百不存一

獨錦國

上空四

南夷志曰獨錦蠻之苗裔也在秦城川去安寧兩日程其
族多姓李異牟尋奴即獨錦蠻女也有季負藍貞元中為
大將軍在執弄棟川為城使等

弄棟蠻

上空四

南夷志曰弄棟蠻則白蠻苗裔也本姚州弄棟縣部落其
地舊為褒州嘗有首領誤殺司戶懼罪率衆北奔在摩磨
紫江側貞元中異牟尋破吐蕃城邑獲弄棟城遷於永昌
之地

清蛉蠻

上空四

南夷志曰清蛉蠻亦白蠻苗裔也本清蛉縣部落天寶中
鶴州初陷有首領尹氏父子相率南奔河縣閣邏鳳厚待
之貞元中南詔清平官尹輔曾皆其人也衣服言語與家
舍畧同

長禪蠻

上空四

南夷志曰長禪蠻本烏蠻之後落在劔川屬浪詔其俗皆

衣長禪曳地更無衣服唯披牛羊皮

施蠻 上空四

南夷志曰施蠻種族也鐵橋西北大施賧劔尋賧皆其所居之地男小繒布為履襠袴婦人從頂橫分其髮當額及頂後各為髻男女終身跣足披牛羊皮

磨些蠻 上空四

南夷志曰磨些蠻鳥種也鐵橋上下及大婆小婆三探覽昆池等川皆其所居之地土多牛羊一家即有羊群終身不洗手匠男女皆披羊皮俗好飲酒歌舞

樸子蠻 上空四

南夷志曰樸子蠻勇悍趨捷以青娑羅段為通身袴善用

治其竹弓深林間射飛鼠發無不中部落首領謂之酋其土無食器以芭蕉葉藉之

尋傳蠻 上空四

南夷志曰尋傳蠻俗無絲綿布帛披娑羅籠跣足可以踐履捺棘持弓挾矢射高猪生食其皮取其兩牙雙插頂頭為飾又條其皮以繫腰每戰鬪即以籠子籠頭如兜鍪狀

裸形蠻

南夷志曰裸形蠻在尋傳城西三百里為巢穴謂之野蠻閣羅鳳既定尋傳蠻野蠻散居山谷集戰即召之亦無君長女多男少無田農衣服唯有木皮以蔽形或十妻五妻共養一丈夫盡日持弓下褐欄有外來侵害者即射之

苴望子蠻

上空四

南夷志曰苴望子蠻有蘭蒼江以西其人勇捷善於馬上用槍所乘馬不用鞍跣足衣短甲纒蔽曾服而已

望蠻

南夷志曰望蠻外喻部落在永昌北其人長大排持槊前無強敵又能用木弓短箭傳毒藥中人立斃婦人跣足以青布為衣聯珂貝巴珠斜絡其身有夫豎分髮為兩髻無夫者頂後為一髻垂之地宜沙牛角長四尺以來婦人嗜乳酪

黑齒金齒銀齒繡脚

南夷志曰黑齒金齒銀齒繡脚四蠻並在永昌開南雜種

類也黑齒以漆漆其齒金齒以金鏤片裹其齒銀齒以銀有事見人則以此為飾寢食則去之皆當頂上為一髻以青布為通身袴又斜披青布條綉脚蠻則於踝上腓下周匝刻為文彩衣以緋布

繡面蠻

南夷志曰繡面蠻一生月則以斜刺面青黛塗之如繡狀穿鼻蠻

南夷志曰穿鼻蠻在柘東以徑尺金環穿鼻中隔下垂過頤從長即以絲繩繫使人牽起仍行有次者花頭金釘兩枚從鼻兩邊穿令透下

長髻棟鋒

南夷志曰長鬚揀鋒二蠻部落鬚黑而長當額前為一長
鬚髻下過臍每行則以物撐起君長使兩女在前各持一
物撐之今為南詔所摠

落蠻

南夷志曰茫蠻部落並開南雜種也茫是其君之號亦呼
茫詔曰永昌城南先過唐封坎鳳藍苴坎茫天連坎茫吐
茫又有火賤茫昌城恐他茫鮓茫施皆其類也樓石無城
郭或漆齒衣青布袴藤笈纏腰紅繒布纏髻出其餘垂後
為飾婦女五色婆羅籠孔雀巢人家樹上象如水牛俗養
以耕田

崇魔蠻

南夷志曰崇魔蠻去安南林西原十二程俗養牛馬長身
漢人博易大中八年經畧使苛暴人鹽一斗博牛或馬一
疋因茲隔絕不來

太平御覽卷第七百九十

夷部十一 上空一

南蠻六

結魯國

羽民國

謹堉國

厭火國

三笛國

載國 載徒結反

交脛國

不死國

支舌國

三首國

焦僥國

長臂國

三身國

一臂國

奇肱國

丈夫國

巫咸國

女子國

軒轅國

白民國

長脚國

無啓國

一目國

和利國

深目國 夷陽國 羣手國

跋踵國 無腸國 羣耳國

青丘國 黑齒國 玄服國

毛民國 勞民國 氏人國

姑射國 越國 沃國

及風國 林那國 無論國

句稚國 歌營國 加陳國

師漢國 扈利國 姑取國

察牢國 類人 雕題國

狼臙國 臙音 瓮人 黃頭人

儋耳國 穿鼻國 西屠國

金隣國 波遼國 屠都乾國

波延國 究原國 奴後國

炎人國 黃孫 落頭民

鮫人 守松外諸蠻

結骨國 上空四卷內同

山海經曰結骨國其人結骨璞注曰臙前如人結猴也

羽民國 羽民國其人長頭生身羽一曰其人類長類

山海經曰羽民國其人長頭生身羽一曰其人類長類

外國圖曰羽民羽飛不能遠其人卵產去九疑四萬里

謹堯國

山海經曰謹堯國其人面有翼鳥喙謹堯堯臣有罪自放南海而死帝釋

之使其有目子居一曰驩國居南而祠也

神異經曰南方荒中有人人手足皆黑初而行但食海中

魚雖有翼不足以飛一名謹塊為人狼惡姦踈不畏風

雨不思禽獸有所觸犯死乃休耳

厭火國

山海經曰厭火國其其人獸身黑色火出其口中以獼猴

三苗國

書曰堯竄三苗于三危 山海經曰三苗國在赤水東

神異經曰西北荒中有一人焉皆人形而腋下有一翼不

能飛名曰苗民為人饕淫逸無禮

外國圖曰昔唐以天下授虞有苗之君非之苗之民浮黑

水入南海是為三苗氏去九疑三萬二千里

載國

南海經曰載國其操弓射地大荒經曰此國國一曰盛國

括地圖曰禹誅防風氏夏德二龍之降禹使范氏御之以

行經南方防風國見禹怒使射之有迅雨二龍升去臣懼

以刃自貫其心死禹哀之療以不死草皆生是民穿曾民

去會稽萬五千里

交脛國

山海經曰交脛國在貫胸東其人交脛言脚脛曲及相交

外國圖曰交脛民長四尺

不死國

山海經曰不死國在交脛東其人黑色壽有員丘山不死者樹食之不死有赤泉飲之不老

支舌國

山海經曰支舌國在不死東

其人舌皆岐故云支舌也

三首國

山海經曰三首國一身三首

焦僥國

後漢書曰安帝永初中永昌徼外焦僥種夷六等三千餘口舉種多附獻象牙牛封牛其人長三尺穴居善游鳥獸懼焉

列子曰中洲以東三十萬得焦僥國人長一尺五寸

山海經曰周饒國為人短小冠帶子曰焦國在三首東也

家語曰吳之客問孔子曰人之長極幾何對曰焦僥民長三尺短之極也長者不過十是數之極也

長者十短者三皆數之極也

外國圖曰焦僥民善沒游善捕鷺鳥其草木夏死而冬生

去九疑三萬里

又曰從啖水南曰焦僥其人長尺六寸一日迎風則偃背

風則伏不衣而野宿

長臂國

山海經曰長臂國人長一尺五捕魚水中两手各操一魚

也云其手下垂至地海東有人嘗在海中得布帽摺衣如中國衣左右袖長三尺即此長臂民衣

三身國

山海經曰三身國一首而三身

一臂國

山海經曰一國在三身北一臂一目一鼻孔

奇腰國

山海經曰奇腰國其人臂

丈夫國

括地圖曰殷帝大戊使王子孟採藥於西王母至此絕糧食木實衣木皮終身死妻而生二子從背間出是為丈夫氏去王門二萬里

巫咸國

山海經曰巫咸國在女子北右手操青蛇左手操赤蛇在登葆山群巫所從上下也操藥往來

外國圖曰昔殷帝大戊使巫咸禱於山河巫咸居於此是為咸氏去南海萬千里

女子國

山海經曰女子國在巫咸兩女子居水外周知有黃池浴出即人孕矣生男三歲輒死周猶遠也

軒轅國

山海經曰軒轅國在窮山之際其不言壽者八伯歲其國在窮山之南也女南子北人面蛇身尾交首上不敢西射畏軒轅之丘言敬畏黃帝威靈不敢向之射也

白民國

山海經曰白民之國在龍魚北白身被髮洞白也

又曰白民之國室後帝鳩生白民
博物志曰日南有野女群行不^{見夫}衣其髀^及明子白裸袒
无衣

長股國

山海經曰長股國在雒常北被髮^{國在赤水東長臂人身}
之^{則此}過^{二丈矣黃帝時至咸}
日長脚^人長脚^{入海中捕魚}

無啓國

山海經曰海水自東北陬至无^啟腎國^在長股東為人无^啟啓
腎肥長也其人穴居食土无^男男^復死^即理^也
之其心不搖死百二十歲及男^更生也

一目國

山海經曰一目國一目中其面也

和利國

山海經曰和利國在一目東為人一手足反膝曲足居上
反^曲也^{卷一}曰留利之國人手反折

深目國

山海經曰深目國為舉一手

無腸國

山海經曰無腸之國在深目東為人長而无腸

聶耳國

山海經曰聶耳國在^無無腸國東為人兩手聶其耳行^以長

拊之居海水中

跂踵國

山海經曰跂踵國在拘纓東其人兩手皆大其大行南疏不着地也

一曰踵國

大人國

山海經曰大人國為人獸身人面大耳珥兩清蛇以蛇貫耳也

君子國

山海經曰君子國冠衣帶劍其人好讓不爭也

青丘國

山海經曰青丘國其人食五穀衣絲帛其狐九尾

黑齒國

山海經曰黑齒國為人黑齒

東夷傳曰倭國東四千餘里有裸國東有黑齒國船行三年始可至也

異物志曰西屠染齒亦以放此也

玄服國

山海經曰玄服之國其人衣魚皮食鷓鴣

水也

毛民國

山海經曰毛民國為人身生毛今去臨海郡東二千餘里

上為人短小面體有毛也 四年吳都一都尉戴建猪熊云唐亦衣服晉求

有男女四人狀皆婦此言語不通法諸丞相府未至路死有一人在上賜如生人女子出入市井漸曉人語自

此毛民

神異經曰八荒之中有毛人焉長七八尺皆人形身軀

頭上皆毛如獼猴長尺人則臭若賜目閉口吐舌上唇覆面下唇臨海水

土物志曰毛人之洲乃在漲與身無衣服鑿地穴雖云象人不知言語齊長五尺毛如熊豕眾輩相隨逐捕鳥鼠

無五穀惟捕鳥鼠肉魚以為食耳

勞民國

山海經曰勞民國為人黑食菓實也有一鳥兩頭也或曰教民面目手足盡黑

氏人國

山海經曰氏人國在建木西人面而魚身無足自曾以下魚也

姑射國

姑射國

山海經曰姑射國在海中

蚺國

山海經曰蚺有山者蚺有民之國食桑射蚺自食蚺短也人

沃國

山海經曰有沃之國言其土沃也沃民是處鳳皇鳥之鄉是食甘露是飲非其欲其味皆有也

反風國

道書曰反風之國香逆風聞千里也

林那國

道書曰反風之國香逆風聞千里也

竹芝扶南記曰林邦國蠻其延國未多曰與毗寒同
大洲放二萬里法是同

無論國

南州異物志曰無論國有大道左右種枇杷諸花果白
即行其下陰涼蔽熱十餘里一亭皆有井水食麥飯飲蒲
桃酒如膠若飲以水和之其味甘美

句稚國

南州異物志曰句稚去典遊八百里有江口西南向東北
行極大崎頭出漲海中淺而多磁石

歌營國

南州異物志曰歌營國在句稚南可一月行到其南文

濟中有洲名蒲類上有居人皆黑如漆齒耳白眼赤男女

皆裸形遮膝將鷄猪山果易鐵器

加陳國

南州異物志曰加陳在歌營西南

師漢國

南州異物志曰師漢國在句稚西從稚去行可十四五日
乃到其國亦稱王上有神人及明月珠但仁善不忍殺生
土地平博民有萬餘家

扈利國

南州異物志曰扈利國在奴調洲西南邊海

姑奴國

南州異物志曰姑奴國去歌營八千里民人萬餘戶皆乘四轅車駕二馬或四馬四舍所集也船船常有百餘艘市會萬餘人晝夜作市船皆鳴鼓吹角人民衣被如國

察勞國

南州異物志曰察牢在安息中間大國也去天竺二五千里人民勇健舉國人皆稱王種國常王國人嘗選耆老有德者立為王三歲一更舉土地所與天竺同其土地不出國遠行

類人

南州異物志曰扶南海隅有人如獸身黑若漆齒白如素體雖獨不奈齒正白也時流移居無常處此京東知安濟瀋海等處寒暑素遂欲

此人扶南之東綠海邊

食唯魚肉不識禾稼寒羸服以沙自覆時或屯聚猪犬鷄

獠雖忝人形此人或時權有可得停宿知立一小屋以自藉家中男女大小并止隨其息其中無復分別也

雕題國

異物志曰雕題國畫其面及身刻其肥而青之或若錦衣或若魚鱗

狼臙國

異物志曰狼臙國男無衣服女橫布帷出與漢人交易不以晝市暮夜會俱以鼻鼻金則知好惡

瓮人

異物志曰瓮人齒及目甚鮮白面黧黑若漆皆光譯為奴婢強勤者

黃頭人

異物志曰黃頭人群內群相隨行无常居處其類與禽獸同或依大樹以草被其枝上而庇陰其下髮正黃如掃帚見漢人散入草終不可得也

儋耳國

異物志曰儋耳夷生則鏤其頭皮尾相連并鏤其耳匡為數行與類相連狀如鷄腹下垂肩_上食諸_{時諸切}以績為業

穿曾國

異物志曰穿曾人其衣則縫布二尺幅合兩頭開中央以頭貫穿曾不突穿

西屠國

異物志曰西屠國在海水以草漆齒用白作黑一染則歷年不復變一號黑齒

交州南外國傳曰有銅柱表為漢之南極界左右十餘小國悉屬西屠有夷民所在二千餘家

金陵國

異物志曰金陵一名金去扶南可二十餘里地出銀人民多好獵大象生得乘騎死則取其牙齒

外國傳曰從扶南西去金陵二千餘里到今

波遼國

外國傳曰從西園南去百餘里到波遼十餘國皆在

屈都乾國

外國傳曰從波遼國南去乘船河三千里到屈都乾國地有人民可二千餘家皆曰朱吾縣民叛居其中

波延洲

外國傳曰從屈都乾國東去離行可千餘里到波延洲

大立御覽

七百九十卷

十

有民人二百餘家專採金賣與屈都乾國

究原國民

外國傳曰究原有獠民出錫鉄鷄舌香及赤白五色鸚鵡

鳥究原達永昌一歲

奴後國

外國傳曰從林陽西去二千里奴後國可二萬餘戶與永

昌接界

炎人國

博物志曰楚之南炎人之國其親戚剝肉死弃之然後埋

其骨乃成孝子

黃孫

博物志曰黃孫天毒君之孫也名貴貧躁而好自吹汁父母笑之愧而去居此黃孫國去九疑二方一千里

落頭民

博物志曰南方有落頭民其頭能飛其種人常所有祭號曰蟲落故因取名焉以其頭飛因眼便去以耳爲目將曉還復着體吳時往往得之

其眼

鮫人

博物志曰南海水有鮫人水居如魚不廢織績其能能泣珠

松外諸蠻

唐書曰松外諸蠻貞觀末為寇遣兵從西洱河討之其西洱河從雋州西千五百里其地有數十部落大者五六

正百戶小者二三百戶無大君長有數十姓以楊李趙董

為名家各擅山川不相役屬自云其先本漢人自城郭

村邑弓矢誕言語雖小訛舛大畧與中夏同有文字頗解

陰陽曆數自夜即滇池以西皆云莊矯之餘鍾也其土有

桐麥粟豆種穰亦如中夏同而以十二月為歲首菜葱韭

蒜一著七十菓則桃梅李柰有絲麻女工蠶織之事出綿絹

布廣七寸以下甲蠶以正月生二月熟畜有馬牛猪羊鷄

犬飯用竹筍搏之而取羹用象杯若鷄彝有飛無車男女

羶皮為帔女子絕布為裙於仍坡羶皮之帔頭髻一盤而

成形如髮用爪男女皆跣至於死喪哭泣棺槨無不

畢備三年之內穿地為坎殯於舍側上作小屋三年之外

出而葬之蠶封棺槨取其耐濕父母死皆斬衰布衣遠者

至四五年近者二三年然後即吉其被人殺者喪者以麻

結髮而黑其面衣常不唯緝服內不廢婚妻不避同姓其

俗有竊盜殺人淫穢之事酋長即立一長木為擊鼓警眾

共會其下強盜者眾共殺之君賊家富強但燒其室宅奪

其田業而已

其屋

前空五行

太平御覽卷第七百九十

太平御覽卷第七百九十

據黃本新纂校計十二



